

摘藻堂四庫全書薈要

經部

欽定四庫全書薈要

經部  
詩緝卷十七

詳校官原任侍講臣王燕緒



欽定四庫全書薈要卷一千十七

經部

詩緝卷十七

宋嚴粲撰

鹿鳴之什

小雅

譜曰小雅大雅者周室居西都豐鎬之時詩也。程子曰：「白鹿鳴以下二十二篇各賦其事而用之，其周公之爲主與二南同也。」陳氏曰：「周家之治至於文武其禮文浸以煩縟，故周公因一事以作一詩，其目二十有二，以發揚其誠意，太史錄之，其後或舉是事則復歌是詩焉。」朱氏曰：「正小雅燕饗之樂也。」補傳曰：「季札觀周樂歌大雅則曰：『文王之德歌小雅則曰：』周衰有遺民意，其一時觀樂豈能盡歌工人於大小雅間取一二以審其音耳。」大雅所歌必受命等篇，故曰：「文王之德小雅所歌必思古等篇，故曰：『周衰有遺民。』」

正小雅二十二篇皆中庸尊賢親親體羣臣柔遠人懷諸侯為天下國家之大經非政之小也

鹿鳴燕羣臣嘉賓也既飲食之

飲食音陰嗣

又實幣帛筐篚

音匡以將其厚意

疏曰飲有酬賓送酒之幣食有侑賓勸飽之幣

然後忠臣嘉

賓得盡其心矣

古者上下交而為泰於鹿鳴諸詩見之儀禮註云鹿鳴君與臣下及四方賓燕之樂歌也故序以羣臣嘉賓兼言之詩不言羣臣唯言嘉賓則總謂羣臣為嘉

賓以禮待臣之厚也詩中求規益序所謂盡心謂忠  
告無隱也上下之情不通則忠臣嘉賓雖欲盡心以  
告君而其勢分隔絕有不可得者義在得字非為必  
待燕而後盡其心也杜甫云聖人筐篚恩實欲邦國  
活得古人用詩之意矣

呦呦鹿鳴

呦音幽

和聲也

食野之苹

音平。傳曰苹萍也。箋曰蘋蕭也

蘋音賴陸璣曰葉青白色莖似箸而輕脆始生香可生食又可蒸食脆七歲反

我有嘉賓

今曰

羣臣及賓客也鼓瑟吹笙

瑟解見闕雎。廣雅曰笙以匏為之十三管列匏中而施簧管端。李氏

曰瑟者包義氏所作

吹笙鼓簧

簧鮮見王君子陽陽○疏曰吹笙之時鼓其笙

中之簧○今曰鼓謂動其聲易繫辭鼓之以雷霆注鼓動也吹笙則動其簧而發聲

承筐是將

篋曰

承猶奉也○傳曰筐筐屬將行也

人之好我

好去聲

示我周行

示毛如字鄭作寘行

毛如字鄭音航○朱氏曰周行大道也○傳曰周至也○周行有考見卷耳

興也鹿得野草而呦呦然和聲呼其類以共食之興君有飲食召羣臣嘉賓與之燕樂也我有此嘉賓為之鼓其瑟吹其笙吹笙之時動其笙中之簧又奉承箱筐以盛幣帛而將其意情文相稱驩欣交通庶乎

人之好愛我者示我以大道矣以告我者為相愛蓋  
道之使言也燕禮於旅也語所以通下情求規益豈  
曰耽樂飲酒乎哉○釋草革有二種一云革莛其大  
者蘋此水生之革也解見采蘋一云革藟蕭郭璞云  
今藟蒿也此陸生之革也即鹿所食是也

呦呦鹿鳴食野之蒿

呼毛反○蒿解見蓼莪

我有嘉賓德音孔昭

德音解見假樂

視民不忮

音挑○朱氏曰忮薄也○曹氏曰視民與視民如傷同義

君子是

則是做我有旨酒嘉賓式燕以敖

傳曰遨遊也○今曰言其禮之從容也

嘉賓教益於我皆有德之言甚昭明矣其視民則不  
薄之謂所言皆仁厚也雖君子之人猶法則之視倣  
之言可為善類之師表也我與之燕飲而教遊庶乎  
從容款洽而有磨礱浸潤之益非徒遊燕而已○箋  
破上章示我之示為寘故以此章視民之視為示今  
皆如字則此視為瞻視之視

呦呦鹿鳴食野之芩

音琴○傳曰芩草也○陸璣曰莖如釵股葉如竹蔓生澤中下地鹹

處牛馬亦喜食之

我有嘉賓鼓瑟鼓琴鼓瑟鼓琴和樂且湛

音耽



字又作耽。○傳曰湛樂之久也。我有旨酒以燕樂嘉賓之心。

非徒養其氣體也。以之燕飲而樂其心。庶其罄竭而無隱耳。

### 鹿鳴三章章八句

四牡勞使臣之來也。

勞使並去聲。○疏曰事畢來歸也。

有功而見知則

說矣。

說音悅。○李氏曰四牡五章皆言其勞則是深知之矣。

人臣之事皆職分所當為。不計其君之知不知也。此特序詩者之辭。以為使臣有馳驅之勞。而其君能深

體之其心之喜說當如何非使臣必待見知而後說也

四牡騤騤

音非○傳曰騤騤行不止之貌

周道倭遲

倭音威○詩記曰使臣初發自周道

以往○傳曰倭遲回遠之貌

豈不懷歸王事靡盬

音古○李氏曰王事者公事也○解

見唐我心傷悲

使臣既還文王燕饗以勞之而歌是詩焉述其在途之情而設為使臣自道之辭若曰我乘四牡騤騤然行而不止由岐周之道而往他國倭遲然回遠我豈

不思歸乎特以王事不可以不堅固不敢徇私以廢公是以我心自傷悲耳所悲之事謂念父母也下章言之○文王未嘗稱王而言王事者諸侯受天子之命以治其國西伯受天子之命以統諸侯使臣往來

皆王事也

朱氏曰為臣者奔走王事特以盡其職分之當為何敢自以為勞哉然君之心則不

以是而自安也臣勞於事而不自言君探其情而代之言上下之間可謂各盡其道矣○傳曰思歸者私思也靡盬者公義也傷悲者情思也○箋曰無私思非孝子也無公義非忠臣也君子不以私害公不以家事辭王事○范氏曰臣之事君也必先公而後私君之勞臣也必先思而後義

四牡駢駢嘽嘽駱馬

嘽音灘駱音洛○傳曰嘽嘽喘息貌白馬黑鬣曰駱○嘽嘽考見

崧高○山陰陸氏曰今之駱馬最耐勞

豈不懷歸王事靡盬不遑啓處

音杵

○釋言曰啓跪也○釋曰莊子云擎蹠曲拳說文云蹠長跪也蹠音起○傳曰處居也○項氏曰古者席地故有跪有坐跪即起身居則坐也孝經居吾語汝坐而有所敬則跪○今曰跪者雙膝著地而直身也坐者雙膝著地而坐也○李氏曰大意為不暇居處之義

駱馬耐勞苦今以勞之故猶嘽嘽然喘息人勞可知

矣

翩翩者騅

翩翩音篇騅音追○朱氏曰翩翩飛貌騅俗字也當作佳凡鳥之短尾者皆佳屬○曰騅鵠

鳩也即郊子祝鳩氏司徒也鵒一鳥而十四名鵒也佳其也鵒鳩也祝鳩也鵒鳩也鵒鳩也

鳩也荆鳩也乳鳩也鵒鳩也鵒鳩也鵒音孚浮亦作夫不鵒音浮鵒音昆鵒音汾鵒

音菊鶴音役鷄音葵○左傳注曰祝鳩孝故主教民○陸璣曰如小鳩○山陰陸氏曰壹宿之鳥鳩性慈孝慤

謹故聽聲考詳篇云雀聲慘毒鳩聲慈念鵒鳩載飛載性壹而慈祝鳩性壹而孝鵒鳥之短尾總名也

下箋曰載集于苞栩音許○曰栩柞也櫟也抒也解見唐鳩羽王事靡盬不

遑將父傳曰將養也

興也設為使臣之言謂在途之時思念父母因見孝

鳥鵒鳩其飛貌翩翩然或飛或下集止於叢生之栩

木鵲鳩性壹飛止不離常處故得遂其孝養我以王  
事不可不堅固行役無常處不暇將養其父鵲鳩之  
不如也

翩翩者騅載飛載止集于苞杞

音起。曰杞。枸杞也。一名杞。樞枸音苟。樞音計。

○今曰本草有枸杞一名仙人杖一名西王母杖山谷有顯聖寺庭枸杞詩云養成九節杖持獻西王母天隨子又言常食杞菊東坡有後杞菊賦即此杞也其根名地骨其莖幹三五尺作叢春作羹茹微苦相傳蓬萊縣南丘村多枸杞高者一二丈

王事靡盬不遑將母

詩有三杞將仲子無折我樹杞柳屬也有臺南山有

杞湛露在彼杞棘山木也此詩集于苞杞雅杖杜北  
山言采其杞四月隰有杞棣枸杞也

駕彼四駱載驟駸駸

驟愁之去駸音侵○釋文曰驟馬步疾也○今曰走馬曰馳不馳而

步疾為驟○錢氏曰駸駸馬前進貌

豈不懷歸是用作歌將母來諗

音審○箋

曰諗告也○疏曰左傳云辛伯諗周桓公

設為使臣之言謂我駕彼四駱疾步而驟駸駸然前進豈不念親而懷歸乎所以作此歌詩以養母之情  
來告於君也此詩本君令作之以勞使臣非使臣所

作然五章皆設為使臣自述之辭故末章託言使臣作此詩以來告蓋臣有此勞苦之情不敢自言君探其情而代之言示君之知其涉苦以勞之也獨言將母承上章之文也

四牡五章章五句

皇皇者華君遣使臣也

李氏曰先遣而後勞則皇皇者華當在四牡之前蓋三百篇之

本末多有顛倒者如載馳衛懿公之詩乃在於文公之後清人鄭文公之詩乃在於突忽之前葛藟平王之詩乃在於桓王之後皇皇者華君遣使臣之詩乃在於四牡之後而幽風之破斧乃在於東山之後雖其顛倒如



此亦非詩之本意也。○詩記曰：作是詩以遣使臣，在文王時，至於周公制禮作樂之後，凡遣使臣，無不用是詩以遣送之，以禮樂也。曹氏曰：燕以遣之，所謂禮也。歌以樂之，所謂樂也。言遠而有

光華也。

疏曰：光顯其君，常不辱命於彼。○歐陽氏曰：稱美其能將君命為國光華於外爾。○程子曰：天

子遣使四方，以觀省風俗，采察善惡，訪問疾苦，宣道化於天下，下國蒙被聲教，是以光華也。

遣使以禮樂歸，又勞之體羣臣也。

皇皇者華。

傳曰：皇皇，煌煌也。○疏曰：草木之華。

于彼原隰。

釋地曰：廣平曰原，下濕曰隰。

隰。○今考釋地云：高平曰陸，傳於原陸，皆曰高平，當以釋地為正。

駉駉征夫。

駉音莘。○傳曰：駉，駉

衆多之貌。○箋曰：征夫，衆行夫也。○李氏曰：使臣之屬也。每懷靡及，念也。

興也使臣還則勞之遣則勉之言皇皇然光明者草木之華于彼原隰之間猶使臣能將命為國光華於遠近也駢駢然衆多之行人皆敏於赴功每念不及於事唯恐不逮也征夫如此使臣可知遣使之初預道其忠勤以勉其能然也

曹氏曰說者以為使臣被君之光寵以出遠近高下

皆有光華此為使臣之辭則可以為君遣之之辭則不可

我馬維駒

音俱解見漢廣

六轡如濡

音需○箋曰如濡言鮮澤也○李氏曰羔裘如濡

載馳載驅周爰咨諏

沮之平○歐陽氏曰周徧也○程曰爰於也○釋詁曰諏謀也○程

子曰採察求訪使臣之職。○范氏曰王者遣使於四方教之以咨諏善道將以廣聰明也。

所乘之馬維駒在手之六轡其鮮澤如水沾濕之乘是車馬馳驅疾行當周徧其所而詢問之以廣人君之耳目亦勉之也。諏謀度詢皆訪問之意不必分咨事咨難之類。

我馬維騏

騏鮮見小戎

六轡如絲

李氏曰如絲言調直也

載馳載驅周

爰咨謀

我馬維駱

駱鮮見四牡

六轡沃若

說文曰沃灌漑也。○補傳曰沃潤澤也。○今曰猶如

濡載馳載驅周爰咨度

音鐸

我馬維駒

音因。傳曰陰白雜毛曰駒。○駒詳解見駒。

六轡既均

傳曰均調也。

載

馳載驅周爰咨詢

音荀

皇皇者華五章章四句

常棣

音弟

燕兄弟也閔管蔡之失道故作常棣焉

疏曰左傳富辰

云昔周公弔二叔之不咸故封建親戚以藩屏周召穆公思周德之不類故糾合宗族於成周而作詩曰常棣

之華鄂不韡韡外傳云周文公之詩曰兄弟閱于牆外禦其侮則此詩自是周公所作但召穆公虎見厲王之

時兄弟恩疏重歌此周公所作之詩以規之耳故鄭答趙商云凡賦詩者或造篇或誦古○朱氏曰文武之際

固有燕兄弟之詩矣周公以管蔡之為亂也故制作之際更為是詩委曲致意以申兄弟之好蓋燕兄弟者文武之政而閔管蔡者周公之心也夫燕兄弟之詩當極其和樂以篤兄弟之好而此詩專言死喪急難之事其志切其詞哀蓋處兄弟之變孟子所謂其兄闕弓而射之則已垂涕泣而道之之義也文武燕兄弟之詩雖不可見然意其詞氣和平必異於此故序者以閔管蔡之失道發之

# 讀此詩知後序亦有不可廢者矣

## 常棣之華

曰常棣也玉李也○釋木曰唐棣移常棣棣移音移○舍人曰唐棣一名移常棣也一名

棣○郭璞曰今關西有棣樹子如櫻桃可食○程子曰今玉李也華鄂相承甚力○李氏曰何彼穠矣言唐棣之華與論語所舉偏其反而則爾雅所謂移也鄂不韡此常棣與采薇言維常之華則爾雅所謂棣也鄂不韡

華

鄂音諤華音偉○箋曰承華者曰鄂疏曰鄂比於弟華比於兄○錢氏曰鄂與萼同○傳曰華華光明也

凡今之人

范氏曰言舉世之人也

莫如兄弟

興也玉李其華繁密其鄂豈不華華然光明乎華以  
覆鄂鄂以承華華鄂相承覆而光明猶兄弟相承覆  
而榮顯也凡今之人與我交接者皆莫如兄弟之至  
親也凡今之人總言下文朋友妻子也○一章發端  
始言兄弟之常而辭氣抑揚之間已有感歎不盡之  
意其斯周公之心乎

死喪之威

傳曰威畏也

兄弟孔懷

傳曰懷思也

原隰裒矣

裒薄侯反○傳

曰裒聚也○王氏曰不得保其常居患難之時也

兄弟求矣

一章以華鄂相輝喻兄弟之求顯姑以安樂之時言

之既而斷以凡人皆不如兄弟則安樂之時未足以

見其情之切至於是二章以下皆以死喪急難之事

驗之死喪可畏怖之事他人未必相念維兄弟甚相

思念也方困窮流離羣聚於原野之時維兄弟則相

求以相依也

詩記曰疏其所親而親其所疏此失其本心者也故此詩反覆言朋友之不如

兄弟蓋示之以親疏之分使之反循其本也本心既得則由親及疏秩然有序兄弟之親既篤而朋友之義亦厚矣初非薄於朋友也苟雜施而不孫雖曰厚於朋友如無源之水朝滿夕除胡可保哉

春令在原

令音零○曰春令雪姑也○釋鳥曰鵲鵲雖渠○郭璞曰雀屬也飛則鳴行則搖○陸璣

曰大如鵲雀長脚長尾尖喙背上青灰色腹下白頸下黑如連錢故杜陽人謂之連錢鵲音晏○山陰陸氏曰義訓云鵲鵲錢母物類相感志云俗呼雪姑其色蒼白似雪鳴則天當大雪極為驗矣○程子曰言鵲鵲首尾相應兄弟急難如字又每有良朋況也永際其相應如是也

歎

平聲又去聲○  
傳曰況茲也

春令飛則鳴行則搖在原者是其行時也非在原不



見其行故以在原言之春令行而在原則搖其身首  
尾相應如兄弟急難相救也世以手足喻兄弟亦謂  
如左右手之相救一體同氣天性自然至親至切之  
喻也每猶凡也當急難之時凡有良朋於此長歎而

已未必能相救也

李氏曰林回云彼以利合此以天屬也夫以利合者迫窮禍患害相

棄也以天屬者迫窮禍患害相收也

小宛取義在於飛則鳴故曰題彼

春令載飛載鳴此詩取義在於行則搖故曰春令在  
原程子以為春令首尾相應是也鄭氏以為水鳥宜

在水中在原則失其常處故飛鳴以求其類非也今雪姑非水中之鳥若失其常處而飛鳴以求其類凡鳥皆然何獨春令哉

兄弟閱于牆

閱許歷反○傳曰閱很也

外禦其務

如字讀者又音侮○今曰禦止也務

猶事也箋曰訓侮也

每有良朋烝也無戎

曹氏曰烝衆也○傳曰戎相也相去聲

兄弟或不相得鬪狠於牆內非令兄弟也然有他人來侵侮之則同心以外禦為務不以小忿而敗親也當他人侵侮之時良朋雖衆然無相助者言兄弟之

不令者猶勝朋友之良者也

朱氏曰此章正為管蔡啓商之事而發以明兄

弟恩情之篤也

喪亂既平既安且寧雖有兄弟不如友生

情義之輕重當於死生患難之時觀之若喪亂既平安寧無事之時則以為兄弟不如友生矣何不於死喪患難之時觀之乎。或謂友生約我以禮義兄弟所不如非此詩重兄弟之意或曰及其安寧乃謂兄弟不如友生可乎文意不順

儗爾籩豆

儗音贅。傳曰儗陳也。

飲酒之飫

飫之去聲。蘇氏曰飫饜也。

兄弟

既具和樂且孺

樂音洛。程子曰孺親慕之義。小兒親慕父母謂之孺子。

生患難之時惟兄弟義重則平安之時不可忘兄弟

也宜燕兄弟以親睦之儗陳爾之籩豆飲酒至於饜

飫兄弟具集和樂而相親慕也

妻子好合

好去聲。

如鼓瑟琴兄弟既翕

傳曰翕合也。

和樂且湛

音耽。鹿鳴傳曰湛樂之久也。

薄俗多知妻子之愛而忘兄弟之重故言爾於妻子

好合和睦如鼓瑟琴其聲相應然必兄弟翕合相聚  
然後其樂湛久也兄弟不相合而唯樂其妻子其樂  
淺矣

宜爾室家樂爾妻帑

音奴依字吐蕩反經典通為妻帑字○傳曰帑子也

是究是

圖亶其然乎

傳曰亶信也

承上章之文言爾能與兄弟翕合則可以宜爾之室  
家樂爾之妻帑爾試窮究之圖謀之庶幾信吾之言  
乎蓋必深長思之而後以吾言為然也室家言妻帑

所在妻帑即室家之人也。○此詩專以死喪急難之事明兄弟恩義之至切。雖朋友妻子皆不如兄弟之重。八章之中勤拳反覆。蓋周公處兄弟之變。其事雖已往而懇切哀傷之心。其痛猶未定也。詩中雖不言管蔡之事。而閔管蔡之心。惻然溢於言辭之表矣。坡詩云。周公與管蔡恨不茅三間。此最說得周公之心出。

常棣八章章四句

伐木燕朋友故舊也自天子至于庶人未有不須友以成者親親以睦友賢不棄不遺故舊則民德歸厚矣

後序之言無害於理而以說此詩則支離矣

伐木丁丁

陟耕反音近爭。劉氏曰丁丁聲相應也。

鳥鳴嚶嚶

音嬰。箋曰嚶嚶兩鳥聲。

也出自幽谷

傳曰幽深也。

遷于喬木

傳曰喬高也。

嚶其鳴矣求其

友聲

箋曰遷處高木者呼其尚在深谷者。

相彼鳥矣

相去聲。箋曰相視也。

猶求友

聲矧伊人矣

傳曰矧況也。

不求友生神之聽之終和且平

程子

曰和謂相好。○今曰平謂不爭。

興也山中伐木其聲丁丁然相應是與人共伐之有朋友之義焉鳥在木上聞伐木之聲則嚶嚶然驚鳴而飛自深谷之中遷徙於他木之上其驚飛倉卒之際猶不忘其類作求其友之聲喻朋友相求相援也視彼鳥之無知尚作求友之聲況以人而不求友生乎神聽聞之言吾儕相與為友當終久相與和平也

伐木許許

音虎。朱氏曰許許衆人共力之聲淮南子云舉大木者呼邪許蓋舉重勸力之歌也

醜酒有藇

醜音師藇徐之上濁。傳曰以筐曰醜以藇曰滑藇美貌。疏曰筐竹器也藇草也漉酒



者或用筐或用草用草者用茅也僖四年左傳  
云爾貢包茅不入王祭不供無以縮酒是也 既有肥

羶

音紆除之上濁○傳曰羶未成羊也○郭璞曰今俗呼五月羔為羶以速諸父  
箋曰速

朱氏曰諸父朋友之同姓而尊者○傳曰天子謂同姓諸侯諸侯謂同姓大夫皆曰父異姓則稱舅○疏曰禮

記注云稱之以父與舅親親之辭也長曰伯少曰叔天子稱朝廷公卿則無文蓋依諸侯之例 寧適不

來微我弗顧

傳曰微無也箋曰顧念也

於粢灑埽

於如字舊音烏灑總之上埽音

課○傳曰陳饋八簋

饋音匱簋音軌○簋鮮見權輿○曹氏曰八簋言其盛也正義以為

周官掌客云五等諸侯簋皆十二又公食大夫禮用六簋毛云天子八簋者據待族人設食之禮而言耳然序

云朋友故舊何止族人此乃文王詩其事猶在商既有世周禮皆出於周公制作以後豈得拘以為制哉既有

肥牡

疏曰肥  
豕之牡

以速諸舅寧適不來微我有咎

傳曰咎  
過也

上章以伐木共事為朋友之義故下章每言伐木以  
題之言伐木者衆人共力其聲許許然有朋友相資  
之義也以筐醕酒而去其糟其酒奠然而美又有肥  
豕以召同姓朋友曰諸父者而燕樂之寧使彼適然  
有故而不來無使言我不顧念也於是粲然鮮明灑  
埽其室庭陳其飲食有八簋之盛又有肥牡以召異  
姓朋友曰諸舅而燕樂之寧使彼適然有故而不來

無使我有過咎也

伐木于阪

音返。阪解見東門之墀。

釃酒有衍

上去二音。朱氏曰：水溢也。言酒之滿。

籩豆有踐

解見伐柯。

兄弟無遠

上去二音。兄弟朋友之同儕者。

民之失

德乾餱以愆

餱音候，字亦作糒。乃裹餱糧。王制：乾豆，注云：乾謂腊之，以為

豆實疏云：豆實非脯而云乾者，謂醢及鬻先乾其肉。腊音昔，鬻音泥。

有酒湑我

湑須之上。傳

曰：湑，酋之也。酋音縮。○釋文曰：與左傳縮酒同義。謂以茅泚之而去其糟。泚音濟。子禮反。○今曰：即毛氏上文

以藪也。

無酒酤我

酤鄭音沽。又音顧。毛音戶。○箋曰：酤買也。○疏曰：論語酤酒市脯不食。

坎坎鼓我

宛丘傳曰：坎坎擊鼓聲。

蹲蹲舞我

蹲音逡。○傳曰：蹲蹲，舞貌。

迨我暇

矣

箋曰造及也

飲此滑矣

醕酒有衍而滿籩豆有踐而成行列朋友同儕曰兄弟者無有疏遠皆使召之而與之燕也民之失德者不能厚朋友故舊之禮或因乾餼之食不分於人以獲愆過此可為戒故我命有司設燕者曰有酒則為我以茅菑之無酒則為我酤買之非必無酒設言縱使無酒猶當酤之篤於朋友不以有無為辭也下文言飲此滑知不待酤也又令鼓人坎坎然為我擊鼓

又令舞人蹲蹲然為我興舞今正及我閒暇矣與朋  
友飲此所湑之酒也當燕飲之時言此者見恩厚之  
意常存前此特未得暇耳示殷勤也○此言無酒設  
言之耳前漢食貨志義和魯匡言承平之世酒酤在  
官和旨使人非經意也一詩之內凡言我皆燕朋友  
者自我也曰微我有咎微我弗顧迨我暇矣及湑我  
酤我鼓我舞我皆同鄭氏以為族人陳王之恩則是  
臣荅君之辭非君燕臣之辭矣君燕臣之樂歌但當

述已待臣之意不當述其臣感已之辭也

伐木三章章十二句

毛氏六章六句今從劉氏每章首言伐木是也

天保下報上也君能下下以成其政

今考下下本註俱去聲韻註上字音

暇降也自上而下也下字遐之上濁底也元在物下也然上濁讀為去聲

臣能歸美以報其

上焉

箋曰下下謂鹿鳴至伐木皆君所以下臣也臣亦歸美於上以答其歌○蘇氏曰人君以鹿鳴以下

五詩宴其羣臣天保者豈以答是五詩於其燕也皆用之歟

此報上之樂歌也謂答上篇五詩以相成也

天保定爾

箋曰保安也○朱氏曰爾指君也

亦孔之固

傳曰固堅也

俾爾單

厚

單鄭音丹毛音亶。今曰俾爾猶卷阿言俾爾彌爾性。箋曰單盡也。

何福不除

音筋。程

子曰除有消去之義其受之也皆若消去而未嘗有。朱氏曰除舊而生新也。

俾爾多益

補傳曰曰

厚亦取厚下之意。益亦取益下之意。

以莫不庶

箋曰莫無也。傳曰庶衆也。

天下無德外之福故詩人祝君以福必本之以德言

天安定爾位亦甚堅固矣使爾每事盡厚則何等福

不消受也使爾多行利益則民物無不蕃庶也厚謂

忠厚益謂利益於民損上益下則益矣損下益上則

損矣民物蕃庶即君之大福也。此詩曰厚曰益曰

穀皆以俾爾言之祝君之德也曰除曰庶曰宜曰興  
曰增皆以無不莫不言之祝君之福也俾爾單厚則  
欲其每事皆厚俾爾多益則欲其每事皆益俾爾戩  
穀則欲其每事皆善謂有一之未厚未益未善則不  
足為君德之全歸美之中有責難者寓若盡以為言  
福祿則全篇皆容悅之辭豈古者君臣相與之義邪  
凡詩人頌福多兼德言之

天保定爾俾爾戩穀

戩音剪。朱氏曰戩與剪同。盡也。穀善也。言盡善云者猶其曰單厚



多益也

罄無不宜

傳曰罄盡也

受天百祿降爾遐福

傳曰遐遠也

維

日不足

使爾盡善則無所不宜  
君宜王宜民宜人宜兄宜弟  
無所不順也故能受天之百祿  
降爾以遐遠之福  
滿招損謙得益  
故福祿雖盛而不自止足  
所謂吉人為善維日不足也

天保定爾以莫不興如山如阜如岡如陵

釋地曰高平曰陸大陸曰

阜大阜曰陵  
如川之方至以莫不增

上言福除矣庶矣宜矣此又欲其福之興興言興盛也如山之高矣又復如山春之岡則愈高矣如阜之大矣又復如大阜之陵則愈大矣此所謂興也山阜岡陵猶有定體故又欲其福之增增言加益也川本源深流長而方至則又盛長之初其增不可量也

吉蠲為饔

蠲音鵠饔音熾○傳曰吉善也蠲潔也饔飲酒也

是用孝享

傳曰享獻也

禴祠烝嘗

禴音藥○疏曰自殷以上則禴禘烝嘗王制文也至周則去夏禘之名以春禴當之更名

春曰祠○曹氏曰此詩云禴祠烝嘗蓋追作於成王世耳

于公先王

箋曰先公謂后稷至諸暨暨音

籌又音舟。○疏曰：文王時祭所及先公，不過祖紺亞圉。后稷而已。言后稷至諸塾者，廣舉先公之數，不謂祭盡及先公也。紺音贛。○朱氏曰：先王謂太王以下也。文王時周未有曰先王者，此詩非武王時作，則或周公所更定者。君曰：卜爾。○今日：君即先公先王也。○朱氏歟。曰：卜猶期也。○錢氏曰：前知也。萬壽無疆。

吉善蠲潔以為酒食，是用致其孝敬之心，以獻享之。夏禴春祠冬烝秋嘗，以四時祭於先公先王也。先公先王言其爾得萬壽無窮之福，此謂嘏辭也。

神之弔矣。

弔音的。○傳曰：弔至也。

詒爾多福。

詒音移。○傳曰：詒遺也。遺音位。

民之

質矣

程子曰  
質實也

日用飲食羣黎百姓

箋曰黎衆也○李氏  
曰羣黎百姓當以為

民徧為爾德

此章承上章祭祀言神以來至矣遺爾君以多福民  
皆質實矣智巧不生日用飲食而已故羣衆百姓皆  
為爾德淳質則近德機巧則近賊也上既曰民下復  
曰羣黎百姓申廣言之見無一民之不為爾德也德  
者民心之所自有而曰徧為爾德者民因君而全其  
天則民心之天與君心之天更無差別故民之德皆

君之德猶曰莫匪爾極也

如月之恒

音衡胡登反舊亦作絰古鄧反今不從○今曰恒常也久也

如日之升如

南山之壽

今曰終南山也考見秦終南

不騫不崩

騫音愆○傳曰騫虧也

如松

栢之茂無不爾或承

前既言其福興矣增矣此又欲其永久日月南山松

栢皆永久之物也然月盈則虧如月之恒欲其常盈

而無虧也日中則昃如日之升言其方升而未昃也

日月猶有虧昃又如終南山之壽不騫虧不傾壞則

可謂堅固矣然人君之福非享之一身而已又如松柏之茂無不承其庇覆者則天地鬼神山川羣臣百姓草木禽獸無不賴之○毛鄭以恒為上弦今考恒字無弦義唯絙字訓弦索亦作絙音亘古鄧反恒與絙其字與音義皆不同易恒卦止為常久之義

天保六章章六句

采薇遣戍役也

箋曰戍守也

文王之時西有昆夷之患北有

玁狁之難

玁狁音險允難去聲○箋曰玁狁今匈奴也

以天子之命命將率

將去聲率衰之去。  
箋曰天子殷王也。

遣戍役以守衛中國故歌采薇以

遣之出車以勞還

勞去聲  
還音旋

杖杜以勤歸也

杖音第○程  
子曰上能察

其情則雖勞而不怨雖憂而能勵矣。范氏曰子  
於采薇見先王以人道使人後世則牛羊而已矣

采薇出車杖杜諸詩周之所以興也漸漸之石苕之

華何草不黃諸詩周之所以衰也言遣戍役者主師

衆言之其實遣將率戍役同歌采薇併將率遣之故

詩中兼言君子小人也三詩述其往返始終之辭大

畧相似但采薇是遣之之始預道其勞苦而因以勉

之出車扶杜則述其已事之勞而慰之耳

采薇采薇

薇解見草蟲疏曰二月時

薇亦作止

傳曰作生也○錢氏曰起也薇始生

也曰歸曰歸歲亦莫止

莫音暮○箋曰莫晚也丁寧歸期定其心也○歲莫解見唐蟋

蟀○疏曰出車云春日遲遲薄言還歸則此戌役以明

年之春始得歸矣期云歲莫莫實未歸○錢氏曰歲莫

則念歸人情之常

靡室靡家玁狁之故不遑啓居

解見四牡不遑啓處

玁之故

總遣將士設為將士自道之言曰我今從戍正是春

月采取薇菜之時其薇菜亦已作而生矣曰何時歸



乎曰何時歸乎連言之者念歸之切自計當在歲晚

也雖託為軍士自計之辭亦因示歸期以安其心也

男有室女有家今男不得以室為室女不得以家為

家述其情思也又不暇啓居述其勞苦也皆以獫狁

之故言不得已而用兵非上之人毒我也此以義曉

之而託於軍士之自道若其心之已諭耳

程子曰毒民不由乎

上則人懷敵愾之心矣○補傳曰西漢志謂懿王時戎狄交侵中國被其苦詩人歌之曰靡室靡家玁狁

之故謂懿王時重歌

此詩以勞士卒耳

采薇采薇薇亦柔止

程子曰始長而柔

曰歸曰歸心亦憂止憂

心烈烈

今曰如火烈烈言內熱也

載饑載渴

箋曰載則也

我戍未定靡使

歸聘

傳曰聘問也

遣戍之時薇始生其後薇始長而柔脆則可食矣感

時物之變念歸而憂憂心烈烈而內熱重以饑渴勞

苦甚矣我戍守之事未得安定無人可使歸問其家

之安否將率受命之日則忘其家託為將士自道之

辭而勉之以義也

采薇采薇薇亦剛止

曹氏曰薇剛則老硬不可食矣

曰歸曰歸歲亦陽

止

箋曰十月為陽時坤用事嫌於無陽故名此月為陽

王事靡盬不遑啓處憂心

孔疚

音究○傳曰疚病也

我行不來

箋曰來猶反也

薇始長而柔今又剛矣十月為陽歸期當在十月之

後即上章所言歲莫也十月以後至十二月皆可稱

歲莫憂心雖甚病而我之後未可以歸亦託於其自

道而勉之也○十一月一陽生十月新陽胎萌故曰

陽月猶四月莠萋以物成於陰而四月微陰胎萌故

也

彼爾維何

爾乃禮反。傳曰爾華盛貌。

維常之華

傳曰常常棣也。解見常棣。

彼

路斯何

王氏曰路戎路也。

君子之車

箋曰君子謂將率。

戎車既駕

戎車解見。

六四牡業業

烝民箋曰業業動也。今曰動而不息之意有考見雲漢。

豈敢定居一

月三捷

傳曰捷勝也。程子曰言速也。

彼爾然而華盛者維何木之華乎維是常棣之華也

彼路車者斯何人之車乎維是君子將率之車也此

詩兼遣將率故以常棣之華喻君子車飾之盛君子

既駕此戎車以出征而四牡之馬業業然動而不息  
豈敢安居乎其心自期一月之間三戰而三捷耳止  
託於將士自期之辭以勉其立功之速也

駕彼四牡四牡騤騤

音葵。今曰傳於此云騤騤強也。於柔柔云不息也。經四牡騤騤凡

四出今皆以為不

君子所依

程子曰依止也。朱氏曰猶乘也。

小人所腓

音肥。箋

曰小人戌役也。程子曰腓從動之義。今曰腓足也。易咸卦咸其腓如足之腓身動則隨而動也。

四

牡翼翼

錢氏曰翼翼整肅貌。

象弭魚服

弭音敔。傳曰象弭弓反末也。箋曰弭以象骨為

之以助御者解轡紒宜滑也。服矢服也。紒音計又音結。○疏曰弭者弓消之名是弓之末弭弛之則反曲故云。

弓反末也。繩索有結用以解之。故曰所以解紆也。左傳云：歸夫人魚軒服虔云：魚獸名，則魚皮又可以飾車也。  
狔音梢。陸璣曰：魚獸似猪，東海有之。豈不日戒獫狁孔棘。  
箋曰：棘，急也。

駕彼四牡，其四牡騤騤，然不息。此戎車者，將率之所依。戍卒之所從，動帥乘輯睦可知矣。遣將率戍後，同歌是詩，故以君子小人兼言之。又四牡翼翼，然整肅其弓，狔曰：弭以象骨為之，其矢服以魚獸之皮為之。軍既閑，習器械，又備於時。將士豈不日相警戒乎？獫狁之難，甚急，不可不討也。亦託於將士自道之辭。

而因以警敕之

昔我往矣楊柳依依

傳曰楊柳蒲柳也。○柳解見秦車鄰。○錢氏曰依依柳柔弱之貌。

今我來思

李氏曰思語辭也。

雨雪霏霏

雨音諭霏音妃。○傳曰霏霏甚也。○釋文曰雨

貌雪行道遲遲

傳曰遲遲長遠也。

載渴載饑我心傷悲莫知我哀

言昔我往征戍之時蒲柳依然柔弱即首章所言

采薇之時也今我來歸遇雪下霏霏然即首章所言

歲亦莫止也首尾申言之亦丁寧以安其心也此言

霏霏想像而預言之耳我行道遲遲然長遠又困於

饑渴我心甚傷悲矣莫有知我之哀苦者文王遣戍

而言莫知其勞苦乃所以深言其知之也

傳曰君子能盡人之

情故人忘其死

### 采薇六章章八句

出車勞還率也

勞去聲還音旋率衰之去餘同○箋曰遣將率及戍役同歌同時欲其同心反

而勞之異歌異日殊尊卑也禮記云賜君子小人不同日○程子曰此詩所賦自受命至還歸其事有序大要在歸功將率

采薇方遣行之初而預道其將來之勞苦見深體之



心也出車枋杜當還歸之後而追述其已往之勞苦  
示不忘之意也

我出我車于彼牧矣

釋地曰郊外曰牧

自天子所

王氏曰天子紂也○董氏

曰文王為西伯雖得專征必以王命行之

謂我來矣召彼僕夫

傳曰僕夫謂御夫也

之載矣王事多難

去聲

維其棘矣

箋曰棘急也

文王命南仲伐昆夷玁狁成功而還述其始事以勞  
之託為將率自道之辭言我駕出我之戎車往彼郊  
外之牧地者蓋有人來自商王之所命我為此行也

我是以召御車僕夫令使裝載而往也興師出於王  
命名正言順矣非文王之私也王事多難昆夷獫狁  
並起為患其勢甚急非生事好功也將率可謂能體  
國矣一章述其前時之忠敬以慰勞之也

我出我車于彼郊矣

李氏曰郊與牧義同

設此旐矣

傳曰龜蛇曰旐。疏曰此

及下傳鳥隼曰旗交龍為旂皆春官司常文也

建彼旐矣

傳曰旐于旐。朱氏曰建立也。箋曰建

之戎車。疏曰旐在地已屬之於干旐言建旐亦同建之也

彼旗旐斯

旗解見鄘干旐。朱氏曰

鳥隼龜蛇曲禮所謂前朱雀而後玄武也。楊氏曰師行之法四方之星各隨其方以為左右前後進退有度

各司其局則士無失伍離次矣。○補傳曰至周官胡不則建此各有等今並建之意商以前用此法耳

旆旆

音佩。○朱氏曰旆旆飛揚之貌。○董氏曰禮云德車結旌武車綏旌綏謂垂舒之也。綏耳佳反。

憂

心悄悄

欽之上。○邶柏舟傳曰悄悄憂貌。

僕夫況瘁

音萃。○箋曰況茲也瘁憔悴也。

設為將率之辭言我出車往彼郊地之時人競於趨

事或設旐於干或建旐於車車上載干干上設旐干

首有旐旐旐互言之耳言此旐彼旐見一時並設也

彼旐與旐何有不旐旐然飛揚者乎言皆旐旐然飛

揚軍容甚張也軍容雖甚張然臨事而懼故憂心悄

悄然僕夫左右之人亦為之憔悴則將率可知矣二章述其前時之戒懼以慰勞之也○繼旆曰旆旆以全帛為之續旆末為燕尾者名之為旆言旆之本體也左傳建而不旆言張旆也此胡不旆旆乃飛揚之貌生民荏苒旆旆亦揚起也

王命南仲

傳曰王殷王也南仲文王之屬

往城于方

傳曰方朔方近獫狁之國也○疏曰

朔方地名○朱氏曰今靈夏州西夏所據之地○曹氏曰即六月所為侵鎬及方是也

出車彭彭

音棚○今曰經中唯載驅行人彭彭必旁反音如邦自餘彭彭皆如字出車詩出車彭彭傳云馬貌蘇氏曰壯

盛北山四牡彭彭傳云不得息大明駟騶彭彭疏云強盛烝民四牡彭彭無傳箋云行貌韓奕百兩彭彭無傳

無箋駟以車彭彭傳云有力有容其說不一然不得息即行之意行而不息亦由壯盛其意一也旂旐

央央

如字又音英。傳曰交龍為旂。央央鮮明也。朱氏曰交龍為旂。所謂青龍也。○補傳曰所謂旌旗

動色武夫生氣也

天子命我城彼朔方

程子曰禦戎狄之道守備為本不以攻戰為先

也赫赫南仲

程子曰赫赫德名顯盛也

玁狁于襄

如字或作攘。○傳曰襄除也。○今曰

如不可襄也之襄

文王以殷王之命命南仲為將往築城於朔方名正

言順氣勢增倍故南仲出車彭彭然壯盛其旂與旄

央央然鮮明乃稱王命以令衆曰天子命我來築城  
於朔方也師直為壯矣朔方之地為玁狁所侵軼今  
王命南仲驅去玁狁以城之而已不事窮蹙之也赫  
赫然顯盛之南仲能除玁狁而驅之出境述其功也  
三章述其前事之奮揚以慰勞之也

詩記曰兵事以  
哀敬為本而所

尚則威二章之戒懼三章  
之奮揚並行而不相悖也

昔我往矣黍稷方華

箋曰朔方之地六月時也○疏曰  
方生華也○曹氏曰復以六月自

北徂西而今我來思

李氏曰思  
語辭也

雨雪載塗

雨音謝○傳  
曰塗凍釋也

王事多難去聲不遑啓居解見四牡豈不懷歸畏此簡書傳曰簡書

戒命也鄰國有急以簡書相告則奔命救之。疏曰古者無紙有事則書之於簡謂之簡書。○長樂劉氏曰謂王命載之以竹簡也。

采薇首章言玁狁之故則遣戍專為玁狁此詩不及戰事而言玁狁于襄是玁狁不待戰而自遁北方已定矣既而西戎復興於是以簡書就命南仲移師伐西戎此章述南仲承命西伐之事也言我昔自朔方而往伐西戎當黍稷方華六月之時也今我自伐西

戎歸而在道雪落釋為塗泥春初之時也初謂止伐  
殲狁期於歲莫可以畢事而歸因有西伐之命遂致  
遷延春初猶在道也往返道路如此之久蓋以王事  
多危難不暇啓處我心豈不思歸乎畏此告急之簡  
書故奔命相救不得還也簡書謂移師西伐之命也  
○采薇言往自周北戍之時也此詩言往自朔方西  
伐之時也采薇言來初期歸時也此詩言來自西戎  
歸而在道之時也下章言春乃至家耳



嘒嘒草蟲

嘒音腰

趯趯阜螽

趯音剔螽音終解並見召南草蟲○朱氏曰此章言其室

家相望之情也

未見君子

箋曰君子斥南仲也

憂心忡忡

音充○擊鼓疏曰忡忡為憂之

意

既見君子我心則降

戶江反○箋曰降下也

赫赫南仲薄伐西

戎

當南仲出征在外之時其室家思望之嘒嘒草蟲六句與召南義同既見君子亦望其歸之辭也故曰此赫赫然顯盛之南仲伐西戎而未歸也○此章鄭氏以為近西戎之諸侯望王師之至然上章述已伐西

戎歸而在道此章覆說未至西戎諸侯望之則其言

無倫序當從朱氏

春日遲遲卉木萋萋

卉音諱韻又音毀○傳曰卉草也○疏曰萋萋茂美也

倉庚

喈喈

音皆

采繁祁祁

曰繁白蒿也○繁解見七月

執訊獲醜

程子曰訊

問也其魁首當訊問者○箋曰醜衆也○今曰醜謂徒黨來降者

薄言還歸

還音旋

赫赫

南仲玁狁于夷

傳曰夷平也○箋曰時亦伐西戎獨言平玁狁者玁狁大故以為始以為終

上章言其未歸也室家望之此章言其既歸也室家

喜之春初在道春深乃至故言春日遲遲然陽氣舒

緩草木萋萋然茂美黃鸝啾啾然和鳴采芣以生蠶  
者祁祁然衆多於此之時執其魁首之可問者又獲  
其醜衆之降服者乃赫赫然顯盛之南仲平玁狁而  
還歸也叙景物之暄妍稱將率之功伐皆喜而道之  
也繁以生蠶婦人之事述其所見知為室家之言也  
獨言玁狁不言西戎者舉出師所主也采芣不戰亦  
言執訊獲醜此詩亦不戰而言之也

出車六章章八句

秋杜勞還役也

勞去聲還音旋。范氏曰出車勞率故美其功秋杜勞衆故極其情先王以已

之心為人之心故能曲盡其情民忘其死以忠於上也此詩首末皆序其室家思望之情以勞之也

有秋之杜

曰杜赤棠也解見唐秋杜

有皖其實

皖還之上濁。傳曰皖實貌。呂氏曰杜

之有實秋冬之交也

王事靡盬繼嗣我日月陽止

陽解見采薇

女心

傷止征夫遑止

興之不兼比者也戍役來歸追述未還之時室家思望之情以勞之示上之知其勞也言秋然特生之杜有皖然之實是秋冬之交婦人感時物之變而思其

君子之未得歸故言王事不可不堅固我征夫行役  
以日繼日無有休息之期以至日月陽止歲將莫矣  
婦人之心憂傷矣征夫閒暇可歸矣望之之辭也言  
日月陽止者以采薇遣戍之初期以歲亦陽止而歸  
也

有杕之杜其葉萋萋

丘氏曰萋萋新葉

王事靡盬我心傷悲卉

木萋止女心悲止征夫歸止

杕杜萋萋然生新葉則春又將莫矣自秋冬之交即

望其歸既而歲莫不至爽初期矣今至春莫猶以王  
事之故而使我心傷悲也草木皆萋然有葉矣女心  
傷悲矣征夫可以歸矣亦望之之辭也

陟彼北山言采其杞

今曰枸杞也三杞考見四牡

王事靡盬憂我父

母

丘氏曰君子之父母也

檀車幘幘

音闡。傳曰幘幘敝貌

四牡瘡瘡

音管。傳

曰瘡瘡罷貌罷音皮

征夫不遠

北山之枸杞可采而食則春莫矣時物之變如此而  
君子久役未歸以王事不可不堅固至貽我父母之

憂檀車憚憚然而敝四牡瘡瘡然而疲征夫不遠而當歸也亦望之之辭○鄭云杞非常菜也孔氏云杞木本非食菜皆不明言其為何物以采言之當是枸杞呂氏朱氏以為春莫杞可食杞之可食者惟枸杞也婦以事舅姑為職汝墳勉其夫以正則曰父母孔邇蓋謂不必憂家也此詩望其夫之歸則曰憂我父母蓋謂父母思之當早歸也汝墳則下之人明其義此詩則上之人體其情各盡其道也

匪載匪來憂心孔疚期逝不至

傳曰逝往也。疏曰往過也。

而多爲

恤

傳曰恤憂也。

卜筮偕止

箋曰偕俱也。

會言近止征夫邇止

庶幾其歸且不遠矣既而車則不裝載人則不來歸

所以憂心甚病也約歸之期已過而猶不至使我多

為憂恤矣本期歲莫則歸而春深猶未至是其期已

過也於是或卜之龜或筮之蓍二者皆占問之其言

會合皆云近矣則庶幾征夫之歸近矣。此詩四章

皆不言戍役來歸之事唯述其未歸之時室家思望



之切如此則今日之歸其喜樂為何如也所以慰勞之也

杅杜四章章七句

魚麗

離音

美萬物盛多能備禮也文武以天保以上治內

采薇以下治外始於憂勤終於逸樂洛音故美萬物盛多

可以告於神明矣

告音枯。朱氏曰此燕饗通用之樂歌極道物多且盛見主人禮意之勤

以優賓也

文武無逸樂之事逸樂亦非文武之心所謂終於逸

樂後序衍說也開後世人主怠政之漸矣或曰始終  
通言周興之本末始於憂勤言其心謂其初創造之  
艱難也終於逸樂言其效謂其後功成治定遺後人  
以太平也所謂既醉太平鳧鷖守成皆成王之事而  
文武憂勤之效也文武之時頌聲未作此詩燕饗之  
樂歌非告神明之詩而曰可以告亦要其後而言之  
耳然周公戒成王以無皇耽樂是人主雖當逸樂之  
時不可有逸樂之心況治未及成周者可不兢兢業

業乎

疏曰時雖太平猶非政治頌聲未興未可以告神明但美而欲許之故云可以可以告神明猶

言頌聲可作耳此非告神明之詩也文王之風終於  
騶虞序以為王道成則近於雅矣文武之雅終於魚  
麗序以為可告神明近於頌矣○程子曰六月序云  
魚麗廢則法度缺矣物不足則不能備法度也○曹  
氏曰物之生於最多者莫如魚故牧  
人之夢以衆維魚矣為豐年之兆

魚麗于留

音柳○傳曰麗歷也留曲梁也寡婦之笱也  
疏曰曲薄也以薄為魚笱其功易成故號

之寡婦笱耳非寡婦所作也○今曰鱮魚音嘗沙○傳  
周勃傳纖薄曲師古注葦簿為曲也鱮魚音嘗沙○傳

鮓也鮓音駝○郭璞曰鮓今吹沙也○陸璣曰鱮一名

黃揚今黃頰魚是也似燕頭魚身形厚而大長頰骨正

黃魚之大而有力解飛者鱮魚狹而小常張口吹沙故  
曰吹沙○山陰陸氏曰鱮今黃鱮魚也性浮而善飛躍

故一曰揚也。鯿性沉大如指，狹圓而長，有墨點，文常沙中，行亦於沙中。乳子故張衡云：縣淵沉之。鯿，鯿也。字指云：鯿，鯿屬異物。志云：吹沙長三寸許，背上有刺，螫人。海物異名記云：鯿似鯽而狹小。鯿音留，見張平子歸田賦。

君子有酒

句。舊以君子有酒旨為句。今從朱氏。○疏曰：君子指武王。

旨且多

箋曰：旨美也。

魚麗于留魴鱧

音禮。○曰魴，鰕也。解見陳衡門。○釋魚曰：鱧，魴音皖。○今曰毛氏以鱧為鯛。

本草云：蠡一名鯛。今黑鯿魚道家以為厭者也。郭璞云：鱧，鯛山陰陸氏云：鱧今玄鯿，與蛇通氣，是郭璞。陸氏皆同。毛說以鱧為今之烏鯿魚也。今不從舍人云：鱧名魴。陸璣云：鱧魴也，似鯿類狹而厚，是舍人與陸璣皆以鱧為今之魴魚也。今從之。鯛音。

同。又音寵，亦作鯿。蠡音禮。

君子有酒多且旨

魚麗于留鰔鯉

鰔音偃。○曰鯉似鮎也。鮎音拈。○今曰毛氏及前儒皆以鮎釋鰔。惟郭璞以鰔

鮎各為一魚。鰔今偃額白魚也。鮎別名鰔。本草鰔一名鮎。魚一名鰔。魚是鰔。鮎鰔為一魚。不言是鰔。見郭璞與本草合毛傳質略。當言似鮎耳。本草鰔魚脊中鱗一道數至尾無大小並三十六。鱗有赤鯉有白鯉有黃鯉三種。君子有酒旨且有之。而愈有也。曹氏曰有言用

捕魚者以寡婦笱施之水中而魚麗厯於其中者有  
鱮揚有鯊鮐有魴鰈有鱧鮐有似鮎之鰔有三十六  
鱗之鯉以六魚略言之見魚之多耳寡婦笱以薄為  
之苟簡易成非工綴之器又施於水中以待魚之自

至而其魚靡所不有萬物盛多可知矣君子又有酒  
美而且多以之行禮無不備也○孔氏以鱣鯢皆為  
大魚陸璣以鱣為大魚鯢為小魚山陰陸氏以鱣鯢  
皆為小魚山陰陸氏又云鱣魚黃魴魚青鱧魚玄鰻  
魚白鯉魚赤又云鱣鯢小魚魴鱧中魚鰻鯉大魚又  
云鱣鯢長魚魴鱧之魚則一方一圓鰻鯉之魚則一  
俯一仰又鱣鯢魴其性浮鱧鰻鯉其性沉意謂五色  
之備而小大長短浮沉之不同也然詩人言鱣鯢魴

鯉鯉不過如潛頌言有鱣有鮪鰭鰭鯉多著魚  
名以見魚之多非謂止有此六魚也此六魚一一為  
之說則潛六魚豈又皆有說乎鰭鯊大小猶未有定

說不必泥可也

傳曰太平而後微物衆多取之有時  
用之有道則物莫不多矣古者不風

不暴不行火草木不折不芟斧斤不入山林豺祭獸  
然後殺獺祭魚然後漁鷹隼擊然後罾羅設是以天  
子不合圍諸侯不掩羣大夫不麇不卵士不隱塞庶  
人不數罟罟必四寸然後入澤梁故山不童澤不竭  
鳥獸魚鼈皆得其所然暴音僕爵音畏數七欲反○  
疏曰風暴謂北風也芟蓋葉落而盡似芟之也皆十  
月也不圍之使迎恐盡物也梁止可為  
防於兩邊不得當中皆隱塞通音匝

物其多矣維其嘉矣

多則患其不善今既多而又嘉矣

物其旨矣維其偕矣

蘇氏曰偕齊也○詩記曰旨即所謂嘉也物雖嘉旨然陸產或不如

水產之盛澤物不如山物之蕃猶未可以言偕也

變嘉言旨旨即嘉也旨而偕則無不美也

物其有矣維其時矣

有言無一或缺即所謂偕也物既偕又有適當其時然後盡善今既有而且得其時矣○詩經說禮多言



時魚麗維其時矣楚茨孔惠孔時頌弁爾殽既時賓  
之初筵以奏爾時生民胡臭亶時蓋時者適其時之  
宜三時不害而奉酒醴以告神魚麗楚茨生民所謂  
時也君子之食惟其時物不時不食頌弁賓之初筵  
所謂時也雖所言有廣狹皆謂適其宜也

詩記曰所謂時者不

專為用之之時也苟非國家閒暇內  
外無故則物雖盛不能全其樂矣

### 魚麗六章三章章四句三章章二句

南陔

音談○今曰李善注補亡詩云陔隴也呂向  
云南方養萬物方此以戒養故取之為名

孝子

相戒以養也

養音樣

白華孝子之潔白也華黍時和歲豐

宜黍稷也有其義而亡其辭

箋曰此三篇者鄉飲酒燕禮用焉曰笙入立于縣中

秦南陔白華華黍是也孔子論詩雅頌各得其所時俱在耳篇第當在於此遭戰國及秦之世而亡之其義則與衆篇之義合編故存至毛公為詁訓傳乃分衆篇之義各置於其篇端云又闕其亡者以見在為數故推改什首遂通耳而下非孔子之舊縣音玄○釋文曰此三篇蓋武王之時周公之禮用為樂章吹笙以播其曲孔子刪定有三百一十一篇內遭戰國及秦而亡子夏序詩篇義合編故詩雖亡而義猶在也毛氏訓傳各引序魁其篇首故序存而詩亡○疏曰有其義而亡其辭此二句毛氏著之也子夏得為立序則時未亡以六月序知次在此處也孔子之時尚在漢氏之初已亡故知戰國及秦之世而亡之也

董氏以為笙入者有聲而無詩非失亡之乃本亡也  
此說非也樂以人聲為主人聲即所歌之詩也若本  
無其辭則無由有其義矣序本因其辭以知其義後  
亡其辭則惟有序所言之義存耳

詩緝卷十七

謹案第八頁後五行被君之光寵以出刊本出字  
訛在下句遠字之下今改正

第十五頁後六行言吾儕相與為友刊本言訛之  
今改

第十六頁前四行稱之以父與舅刊本舅訛父據  
詩疏及曲禮注改


第十七頁前一行無使我有過咎也刊本過上衍  
故字今刪

第二十五頁前四行歸期當在十月之後刊本期  
訛其今改

第二十六頁後一行所以解紛也刊本解紛訛紛  
解據毛詩疏改

第三十七頁後七行舍人云鯉名鯢刊本鯉訛鯢  
據爾雅疏改





總校官庶吉士臣侍朝

校對官中書臣潘奕雋

謄錄監生臣黃熙純

欽定四庫全書薈要

經部

詩緝卷十八

詳校官原任侍講臣王燕緒





欽定四庫全書薈要卷一千十八

經部

詩緝卷十八

宋 嚴粲 撰

南有嘉魚之什

小雅

陸氏曰自此至菁菁者莪六篇并  
樂篇三  
是成王周公之正小雅

南有嘉魚樂與賢也

樂音洛

大平之君子

大音泰

至誠樂與

賢者共之也

朱氏曰此亦燕  
饗通用之樂

南有嘉魚南山有臺皆燕賢之樂歌故曰樂與賢樂

得賢言以樂樂之也猶射義言騶虞者樂官備也采

蘋者樂循法也采蘋者樂不失職也皆以播之樂歌  
為樂之也嘉魚謂之與賢以詩言有酒燕賓是與之  
相親也有臺謂之得賢以詩言邦家之基為民父母  
因以致福壽名譽是得之為用也陳氏曰大平之君  
意滿志得侈心日  
生得賢則未必有益於治失賢則亦未必趨於亂是  
以賢者漸致疎棄不肖者漸致狎昵間有勉強與賢  
者共享其樂亦不能久今也至誠樂與賢者  
共之非天資重厚學與性成不能如是也

南有嘉魚

傳曰江漢之間魚所產也  
箋曰南方水中有善魚

烝然罩罩

張敎反  
王肅

曰烝衆也。傳曰罩簞也。簞音驚助角反。郭璞曰捕  
魚籠也。李巡曰編細竹以為罩無竹則以荆謂之楚

霍

君子有酒

丘氏曰君子成王也。○今曰箋以君子為斥時在位者今不從

嘉賓式燕

以樂

音洛協句五殺反。○丘氏曰嘉賓新進之賢也。○箋曰式用也

興也。魚深潛者也。南方江漢之間產善魚，編細竹以爲罩而籠取之，羣然罩之，又罩而後得之。興賢者隱伏於下，必人君勤求而後得之也。今賢者既至，成王有酒，與此新至之嘉賓用燕飲而相樂。未至則勤求之，已至則燕飲之，是樂與賢也。○成周大平持守之時所用之人，必先有德立政之書。卷阿之詩皆曰用

吉士此詩魚曰嘉則味之美瓠曰甘則可以養人鮓  
為孝鳥皆喻吉士也○左太沖蜀都賦云嘉魚出於  
丙穴注云丙穴在漢中沔陽縣北有乳穴二所常以  
三月取之丙地名也山陰陸氏曰嘉魚鯉質鱖鱗肌  
肉甚美食乳泉出於丙穴穴口向丙故曰丙也如上  
所言則以嘉為魚名然下文樛木非木名則嘉魚亦  
非魚名要之詩人以魚之嘉者瓠之甘者喻賢耳

南有嘉魚烝然汕汕

音訕。傳曰汕汕櫟也。櫟音潮韻  
作罍。箋曰今之撩罍。撩音料。又

音僚。○李巡曰：以薄取魚也。○李氏曰：山陰陸氏云：上籠之如罩，下撩之如汕，至誠之道也。淮南子云：罩者抑之，罾者舉之，為之雖異，得魚一也。觀此則知君子有酒，詩人先言罩，後言汕者，以見其求賢無方也。

嘉賓式燕以衍

看之去。○傳曰：衍樂也。

南有樛木

樛音鳩

甘瓠累之

瓠音護，累音縲。○詩記曰：瓠有甘，有苦。甘瓠則可食者也。

○今曰：累纏繞也。

君子有酒，嘉賓式燕綏之。

箋曰：綏安也。

興也。南方有樛然下曲之木，故瓠之甘而可食者得。上而纏綿之，興成王屈己下賢，則賢者得以上進，固結而不可解也。綏之，謂燕飲以安之。醴酒不設而穆。

生去蓋禮貌衰則不能安賢者之心也

翩翩者騅

音追。曰騅鶉鳩也。解見四牡。傳曰騅一宿之鳥。箋曰一宿者一意於其所宿之木。

也。喻賢者有專壹之意於我。

烝然來思

疏曰思語辭

君子有酒嘉賓式燕

又思

今曰思皆為語辭

人君之於賢始則多方勤求之繼則禮貌以招延之其後則賢者聞風自至如翩翩然飛者是孝鳥鶉鳩羣然而自來也卷阿言吉士以有孝有德稱之故此詩以孝鳥喻賢也又思者燕而又燕見交際之款洽

所謂至誠樂與也。或云思為語助者上字協韻思慮之思者本字協韻來字與思字協韻然漢廣求思泳思方思皆語助其上字皆不協韻見以古人韻緩二詩皆語辭就以為韻也

南有嘉魚四章章四句

南山有臺樂得賢也

樂音洛

得賢則能為邦家立大平之

基矣

為去聲。補傳曰樂與者樂與賢者相處也樂得者樂得賢者為用也

賢者為立治之本成王之樂樂以天下也

南山有臺

補傳曰南北指周地之南北也。陸璣曰臺蒹草也。○釋草曰臺夫須夫音符。○今曰以

蒹草為衣則謂之蒹蒹為草名蒹為衣名蒹草又可為笠

北山有萊

傳曰萊草也。○疏曰陸璣云萊

草名其葉可食今兗州人烝以為茹謂之萊烝以上下類之皆指草木之名其義或當然矣。○朱氏曰萊草名

葉香可食者

樂只君子

樂只音洛止。○丘氏曰只辭也

邦家之基樂只君子

萬壽無期

今曰無期言無窮也有期則有時而止

興也周地之南山則有臺北山則有萊喻周家得賢

之盛隨取隨有樂哉成王可以為邦家之基本可以

得萬物之福而無期也

陳氏曰壽天天也得賢何益於壽曰君子有四時朝夕晝



夜節宣其氣勿羸其體苟不近賢者則非鬼非食惑以喪志雖欲壽得乎

南山有桑

曹氏曰可蠶以為衣

北山有楊

曰楊蒲柳可為箭筈又可為屋材解見秦車鄰

○曹氏曰可為舟

樂只君子邦家之光樂只君子萬壽無疆

臺萊桑楊杞李栲栳枸櫞多其名者喻賢之多而皆有用也得賢之盛則邦之榮懷而福壽名譽之所歸也

南山有杞

音起○陸璣曰杞一名狗骨山材也其樹如栲理白而滑可以為函及檢板其子為木蠹

可合藥○曹氏曰梓杞也○三杞考見四牡

北山有李

曹氏曰樂只君子民李可食

之父母樂只君子德音不已

得賢則澤及於民而民親戴之稱頌之

南山有栲

音考。曰栲山栲也。可為車輻解見唐山有栲

北山有杻

音紐。曰杻櫪也。可

為弓弩幹解見唐山有樞

樂只君子遐不眉壽樂只君子德音是茂

箋曰茂盛也

遐不眉壽猶云不遐遠眉壽乎秀眉壽證也

南山有枸

音矩。傳曰枳枸也。疏曰釋木無文。陸璣曰枸樹高大似白楊有子著枝端大如指長

數寸噉之甘美如飴。八九月熟。今官園種之謂之木蜜。本從南方來。其木能令酒薄。若以為屋柱一室之內酒

皆也。北山有楸。音庾。釋木曰：楸，鼠梓。郭璞曰：楸屬

異者，今人謂之苦楸是也。樂只君子，遐不作黃耇。音苟。○曹氏曰：宮室之良材。

黃髮也。耇，老也。○疏曰：舍人云：老人髮白復黃也。樂只君子，保艾爾後。艾音礙，沈音刈。

○傳曰：保安也。艾，養也。○曹氏曰：凡此皆可用之材，成王能得之以為用，兼收並蓄，巨細不遺，國家賴之，是以

基本堅固，事業光華，人民有所怙恃，而治安，強盛名譽發越，福祿無窮，不止於其身，而且有以燕及子孫，是可

也。樂

疏引宋玉賦：枳枸來巢，以證毛說。然風賦字作枳，句

李善注：橘踰淮為枳，句曲也。句音溝，非毛義也。

南山有臺五章章六句

由庚

今曰李善注補亡詩云由從也庚道也言物並得從陰陽之道理而生也

萬物得由其

道也崇丘

今曰李善注補亡詩云萬物生長於高丘者皆遂其性得極其高大也

萬物得

極其高大也由儀

今曰儀謂用物以禮不暴殄也

萬物之生各得其宜

也有其義而亡其辭

箋曰此三篇者鄉飲酒燕禮亦用焉曰乃間歌魚麗笙由庚歌南有

嘉魚笙崇丘歌南山有臺笙由儀亦遭世亂而亡之燕禮又有升歌鹿鳴下管新宮新宮亦詩篇名也辭義亡

皆無以知其篇第之處○釋文曰此三篇義與南陔等同依六月序由庚在南有嘉魚前崇丘在南山有臺前

今同在此者以其俱亡使相從耳○疏曰言間歌者堂上堂下遞歌不比篇而間取之笙者在笙之中吹案魚

麗武王詩也而與嘉魚間歌南陔等三篇亦武王詩  
也乃在堂下笙歌之是武王之詩得下管用之也

蕭

六 蓼音

澤及四海也

蓼蕭湛露彫弓皆天子燕饗諸侯之樂歌而其用有  
別湛露彫弓以顯允君子我有嘉賓稱諸侯之美則  
為燕饗諸侯無疑也蓼蕭之詩以零露喻王澤以既  
見君子稱天子其下皆稱贊天子之辭若天子用之  
以燕諸侯不應自稱已之美而不稱諸侯之美蘇氏  
謂人君以鹿鳴五詩燕其臣羣臣以天保荅其歌於

其燕也皆用之今以蓼蕭之詩亦諸侯荅湛露彤弓之歌故本序不言燕諸侯而云澤及四海也諸侯以蕭草自喻君臣之辭也箋以為四夷之長則拘矣

蓼彼蕭斯

傳曰蓼長大貌。曰蕭香蒿也。荻也。牛尾蒿也。荻音秋。

零露漙漙

漙須上

曹氏曰既見君子

箋曰君子天子也

我心寫兮

傳曰寫輸寫也。今曰心

有憂則鬱而不泄如傾

燕笑語兮是以有譽處兮

處音杵。

錢氏曰譽名也處所處之位也

興也此為諸侯歌之以荅君故以微草自喻言蓼然

長大者是彼蕭之微草天之零露滑然潤澤無微不被  
喻我諸侯來朝王者推恩以接之無所不及也蕭茂則  
受露多故以蓼言之也諸侯朝見天子輸寫其心謂傾  
蓋無留藏也天子與之燕飲而笑語接之以溫厚故下  
情喜悅稱贊天子云宜其有譽有處也有譽則得其名  
有處則保其位大榮大安也既見者幸辭也喜見之也  
○毛氏曰蕭蒿也釋草云蕭萩李巡云萩一名蕭郭璞  
曰即蒿也如上所言則蕭即蒿也釋草又云蒿藋蔚牡

葭郭璞云葭今青蒿牡葭無子者如上所言則蒿非蕭也山陰陸氏云蒿之類至多陸璣云蕭今人所謂萩蒿或謂之牛尾蒿似白蒿莖麤科生有香氣故祭祀以脂焚之為香以此言之蒿者總名也曰蕭者蒿之香者也故取蕭祭脂疏以為香蒿也凡諸蒿曰繁者白蒿也皤蒿也曰華者賴蒿也曰葭者青蒿也曰蔚者牡蒿也馬薪蒿也曰莪者蘿蒿也莪蒿也蘆蒿也角蒿也又有邪蒿萋蒿之名見蒿之類不一

葭去  
刃反



蓼彼蕭斯零露漙漙

音漙。傳曰：漙漙露蕃貌。

既見君子為龍為光

傳曰：龍寵也。

其德不爽

傳曰：爽，差也。○詩記曰：四海諸侯遠近小大親疎亦不齊矣，而王者德施

之普各稱其分，莫不滿足，所謂其德不爽也。

壽考不忘

諸侯既見天子而燕飲，則為恩寵為光耀，榮其待遇也。於是稱天子之德，無有差爽，謂待諸侯以禮也。願其壽考而不忘於人，謂常愛戴之也。

蓼彼蕭斯零露泥泥

上聲。傳曰：泥泥，濡也。

既見君子孔燕豈弟

豈音愷。箋曰：孔，甚也。○傳曰：豈，樂弟易也。

宜兄宜弟

詩記曰：兄弟自同姓諸侯親者言之，四海

諸侯莫不在其中矣 令德壽豈

孔燕猶言盛燕謂其禮盛設也盛燕而又豈樂弟易情文俱至也於是稱天子能宜其兄弟之國與之親睦有令善之德壽而且樂也舉同姓之國者以親該疎也

蓼彼蕭斯零露濃濃

音農又如字。傳曰濃濃厚貌。

既見君子絳革沖

沖

絳音條沖音蟲。傳曰絳轡也。革轡首也。沖沖垂飾貌。○疏曰轡革也。馬轡所鞅之外有餘而垂者謂之革。

絳皮為之故云

和鸞雖雖

今曰和鸞皆鈴也。毛以為和。在軾鸞在鑣鄭以為戎車鸞。

在鑣乘車鸞在衡也詩記曰後漢志注云干寶周禮注和鸞皆以金為鈴馬動則鸞鳴鸞鳴則和應舒則不鳴疾則失音故詩云和鸞雖雖言得其和也萬福攸同今曰諸侯同受福賜也

天子賜諸侯以車馬其倬革沖沖然垂飾其和鸞之聲雖雖然和諸侯受福均也采菽言萬福攸同瞻彼洛矣言福祿既同與此一也

蓼蕭四章章六句

湛露

湛直減反

天子燕諸侯也

朱氏曰文四年左傳甯武子云昔諸侯朝正於王王宴樂

之於賦湛露

湛湛露斯

傳曰湛湛露茂盛貌

匪陽不晞

音希○傳曰陽日也晞乾也

厭厭夜

飲

厭音淹○傳曰夜飲私燕也宗子將有事則族人皆侍不醉而出是不親也醉而不出是滯宗也○箋曰

天子燕諸侯之禮亡此假宗子與族人燕為說耳燕飲之禮宵則兩階及庭門皆設大燭焉○疏曰主法自當留賓賓則可以辭主諸侯皆當辭出但主得其辭不醉異姓則聽之出同姓則留之飲也燕飲當以晝

無歸

興也湛湛然茂盛之露非見朝陽則不乾夜飲厭厭

然厭足非至醉則不歸○左傳無厭將及我姜氏何厭之有皆謂飽足厭厭夜飲為以漸至醉浸漬厭足

之意毛以為安孔釋以為閑蘇以為久其意一也

湛湛露斯在彼豐草

傳曰豐茂也

厭厭夜飲在宗載考

傳曰夜飲

必於宗室。朱氏曰宗室蓋路寢之屬也。箋曰載之言則也考成也

草茂則得露多喻夜飲在路寢而成禮受恩優渥也

○燕禮云膳宰具官饌于寢東注云寢路寢也當從

朱氏

湛湛露斯在彼杞棘

疏曰杞棘之木

顯允君子

朱氏曰君子指諸侯為賓者也

莫不令德

杞棘得露雖厚而枝不低垂喻顯明允信之君子飲酒雖多而德將無醉也

其桐其椅

音伊解見定之方中

其實離離

傳曰離離垂也歐陽氏曰喻諸侯在燕有威儀

耳豈第君子莫不令儀

桐椅柔木而實離離喻君子飲酒之時有令儀也

### 湛露四章章四句

彤弓

同彤音

天子錫有功諸侯也

朱氏曰此天子燕有功諸侯而錫以弓矢之樂

歌也○書文侯之命彤弓一彤矢百盧弓一盧矢百○僖二十八年左傳晉文公敗楚於城濮獻功於王王饗

禮命晉侯侑賜彤弓一彤矢百旅弓矢千旅音盧○文四年衛甯武子曰諸侯敵王所愾而獻其功王於是乎賜之彤弓一彤矢百旅弓矢千以覺報宴注覺明也以明報功宴樂○疏曰甯武子所言及晉文侯文公所受皆并有旅弓此詩獨言彤弓者以二文皆先彤後旅彤少旅多舉重可以包輕故直言彤弓也有弓則有矢言弓則矢可知故亦不言矢也○陳氏曰春秋所載皆謂諸侯有功則王賜之弓矢以旌伐功而已未嘗謂既賜然後得專征也王制諸侯賜弓矢然後征蓋言天子命諸侯征伐故賜弓矢以將王靈耳安得有專征之言乎鄭氏遽謂賜弓矢然後得專征伐由漢而下有無君之心者徵求弓矢之賜脅諸侯而肆其姦者紛然蓋康成啓之也○詩記曰所謂專征伐者如四夷入邊臣子篡弒不容待報者其他則九伐之法乃大司馬所職非諸侯所專也與後世彊臣拜表輒行者異矣

彤弓召兮

召音超。疏曰彤赤也。為弓者皆漆之以禦霜露漆之為色赤黑而已。彤既是赤則知茲

者為黑也。色以赤者周之所尚。故賜弓赤一而黑。十以赤為重耳。其體同異未聞。

傳曰召弛貌。

受言

藏之。

李氏曰言語辭也。箋曰受出藏之。

我有嘉賓中心貺之

傳曰貺賜也。

鐘

鼓既設一朝饗之

箋曰一朝早朝也大飲賓曰饗飲音陰。疏曰饗者烹大牢以飲賓是禮

之大者周語云王饗有體薦燕有折俎公當饗卿當燕是其禮盛也言一朝者言王殷勤於賓早朝而即行禮燕或至夜饗則如其獻數成禮而罷故云一朝元年左傳云鄭饗趙孟禮終乃燕是饗不終日也

天子以彤弓賜有功諸侯召然而弛賜弓不張也令

諸侯受藏之示珍重之意也又稱此受賜諸侯為嘉



賓言吾中心至誠貺賜之故陳鐘鼓之樂一朝設饗  
禮而畀之饗禮用早朝也彤弓非常賜也鐘鼓大樂  
也饗盛禮也設盛所以重彤弓之賜也

彤弓弔兮受言載之

傳曰載以歸也。○箋曰出載之車也。

我有嘉賓中心

喜之鐘鼓既設一朝右之

右助也右與宥侑通皆助也莊十八年左傳云王饗  
醴命之宥注以幣物助歡也僖二十五年二十八年  
皆云饗醴命宥是饗禮必有賜以為宥而彤弓則宥

之大者也

彤弓 召兮受言橐之

橐音高。傳曰橐韜也。韜音叨。本又作攷。釋文云弓衣也。

我有

嘉賓中心好之

好去聲

鐘鼓既設一朝疇之

疇音雛。傳曰疇報也。

疏曰王肅云報功也

鄭以疇為獻疇但酬酢是燕禮其饗禮為訓共儉爵  
盈而不飲未必有疇酢也

彤弓三章章六句

菁菁者莪

菁音精

樂育材也

樂音洛

君子能長育人才

長音掌

則天下喜樂之矣

陳氏曰小雅之詩皆因某事而歌某詩菁菁者莪之詩宜何歌乎余以謂

天子行禮於學校而宴飲之時則歌此詩焉

樂與賢樂得賢樂育材三詩一體皆言以樂樂之育材於學校而燕飲作樂歌此詩焉是樂育材也以君心之樂感人心之樂義理之樂同也詩皆述天下之喜樂而人君樂育之意自見矣

菁菁者莪

傳曰菁菁盛貌。曰莪莪蒿也解見蓼莪

在彼中阿

傳曰中阿阿中也大陵曰

阿既見君子樂且有儀

興也莪蒿雖微物美而可食故以喻人材言菁菁然茂盛之莪蒿由生於阿中得阿之長養而然喻君子能長育人材無微不遂也既見此能育材之君子則莫不喜樂而有威儀樂見良心之興起有儀見善教之作成○說者多以樂且有儀指君子非也既見者幸辭也喜見之也今考詩中既見君子重言二十有二見於九詩汝墳風雨唐揚之水車鄰出車蓼蕭類弁隰桑及本詩或妻見其夫或國人見賢者或臣見

其君凡既見君子之下其接句皆述喜之之情謂見君子者喜非所見者喜也若以樂且有儀為君子則既見二字無所歸下云我心則喜樂即喜也

菁菁者莪在彼中沚

音止。傳曰中沚沚中也。小渚曰沚。解見采蘋。

既見君

子我心則喜

菁菁者莪在彼中陵

傳曰中陵陵中也。

既見君子錫我百朋

箋曰

錫賜也古者貨貝五貝為朋。疏曰言古者寶此貝為貨也五貝者漢書食貨志以為大貝牡貝么貝小貝不成貝為五也言為朋者謂小貝以上四種各二貝為一朋而不成者不為朋鄭因經廣解之言有五種之貝其中以

相與為朋非總  
五貝為一朋也

賜我百朋言人材既成則厚其祿而用之

汎汎揚舟載沈載浮

朱氏曰載則也

既見君子我心則休

箋曰休者

休休然○今曰休休樂也

興也揚舟汎汎然於水中無所維繫或沈或浮未可知也猶人材汎汎然於天下無所依歸或成或壞亦未定也今見此君子能長育之則人材皆可以成就故我心休休然安樂也○舊說沈物亦載浮物亦載

韓退之亦從之且詩中載馳載驅載笑載言載饑載渴載清載濁載飛載止凡言載皆則也獨以此為載物於舟非也

菁菁者莪四章章四句

六月

譜曰小雅六月大雅民勞之後皆謂之變雅美惡各以其時正之次也○釋文曰從六月至無羊十

四篇是宣王之變小雅從節南山至何草不黃四十四篇前儒申公毛公皆以為幽王之變小雅從民勞至桑柔五篇是厲王之變大雅從雲漢至常武六篇是宣王之變大雅瞻卬及召旻二篇是幽王之變大雅

宣

王北伐也鹿鳴廢則和樂缺矣四牡廢則君臣缺矣皇

皇者華廢則忠信缺矣常棣廢則兄弟缺矣伐木廢則  
朋友缺矣天保廢則福祿缺矣采薇廢則征伐缺矣出  
車廢則功力缺矣杕杜廢則師衆缺矣魚麗廢則法度  
缺矣南陔廢則孝友缺矣白華廢則廉恥缺矣華黍廢  
則蓄積缺矣由庚廢則陰陽失其道理矣

疏曰由庚以下不言缺者

因文起義明與上詩別文武俱言缺周公成王變文焉

南有嘉魚廢則賢者不安

下不得其所矣崇丘廢則萬物不遂矣南山有臺廢則

為國之基隊矣

隊墜音義同

由儀廢則萬物失其道理矣蓼



蕭廢則恩澤乖矣湛露廢則萬國離矣彤弓廢則諸夏

衰矣菁菁者莪廢則無禮儀矣小雅盡廢則四夷交侵

中國微矣

李氏曰由庚之詩本在於南山有臺之下今乃列於南山有嘉魚南山有臺之前而不依於

序者夫詩之見存者其先後不可必其次第如常棣乃周公之詩而列於伐木之後已不可得而知而況其亡者又安得而知之乎姑闕之可也。朱氏曰成康既沒文武之政侵尋弛壞至于夷厲而小雅盡廢矣蓋其人亡其政息雖鐘鼓管絃之聲未衰然其實不舉則無所施之所謂廢也宣王中興內脩政事外攘夷狄北伐南征以復文武之竟土故序詩者詳記其所由廢興者如此以發其端而雅之於經者於是變矣

四夷交侵由於小雅盡廢則宣王征伐必內脩以為

# 之本矣

六月棲棲

音西。箋曰：盛夏出兵，明其急也。朱氏曰：六月建未也。司馬法：冬夏不興師。李氏曰：

棲棲，不安也。

今曰：詩經月皆夏，正論語丘何為是棲

棲者，注云：棲棲猶皇皇也。黃氏曰：人知其上之出於

不得已，雖六月而人不知為暴，蓋以

戎車既飭

音勅。箋曰：戎

為其所以勞我者，乃所以安我也。

車革路之等也。其等有五。疏曰：春官巾車掌王之五

路，革路以即戎，故知戎車革路之等也。春官車僕掌戎

路之萃，廣車之萃，闕車之萃，革車之萃，輕車之萃。注云：

萃猶副也。此五者皆兵車所設。五戎也。戎路王在軍所

乘，廣車橫陳之車，闕車所用補闕之車也。革車所對敵

自蔽隱之車也。輕車所用馳敵致師之車也。是其等有

五也。吉甫用所乘兵車，亦革路在軍所乘，與王同，但不

知，倘五戎以否。萃音倅。廣光之去，革薄經反，輕去聲。

○

疏曰飭齊正也

四牡騤騤

音葵。桑柔傳曰騤騤不息也。考見采薇。

載是常服

箋曰戎車

之常服韋弁服也

玁狁孔熾

音熾。傳曰熾盛也。

我是用急王于出征

箋曰

于曰也。李氏曰左傳無日不討國人而訓之于民以生之不易杜元凱以于為曰。疏曰毛以為王自征以

匡王國

箋曰匡正也

吉甫受命北征以建未盛夏之月棲棲然不遑安其戎車既皆飭正矣四牡又騤騤然不息乃載是兵事之常服謂韋弁服也韋弁服臨戰乃服未戰在道時載之於車也盛夏不可以出師所以六月行者以玁

狁來侵其勢甚熾盛我是用急討之而不敢緩也王  
命吉甫曰今女出征獫狁以正王國謂攘夷狄以安  
社稷也汝其勉之此詩作於成功之後而述其受命  
之始也

比物四驪

比音備。釋文曰比齊同也。○疏曰夏官校人云凡大祭祀朝覲會同毛馬而頌之凡軍

事物馬而頌之注云毛馬齊其色物馬齊其力比物者比同力之物戎事齊力尚彊不取同色而言四驪者雖以齊力為主亦不厭其同色也故曰駟驂彭彭又曰乘其駟騏田獵齊足而曰四黃既駕是皆同色也無同色乃取異毛耳騏驎是中閑之維則傳曰則維此六月既駟驎是騏是也校音效

成我服

箋曰戎服也

我服既成于三十里

傳曰師行三十里

王于出

征以佐天子

比同其物擇馬力之齊者乃四驪純黑之馬此馬先  
已閑習之皆合法則矣維此六月之時既成我戎服  
即日遂行日行三十里王曰今汝出征以佐天子予  
一人所倚賴汝其勉之

四牡脩廣

傳曰脩長也廣大也

其大有顙

魚容反○說文曰顙大頭也○曹氏曰脩以言

其身之長廣以言其腹背之充顙以言其首之大三者相稱所以成其大也

薄伐玁狁以奏

膚公

錢氏曰奏猶上也。敷同。日奏罔功。

傳曰膚大也。公功也。

有嚴有翼

傳曰嚴威嚴也。翼敬也。

共武之服

共音恭。箋曰共典也。服事也。

共武之服以定

王國

四牡身長而腹背廣其首顚然而大見軍容之盛武

備素脩以此伐玁狁而奏其大功也師之羣帥有威

嚴者有翼敬者以典是武事故能制勝而安定王國

也

范氏曰凡兵事莫尚於嚴莫先於敬

玁狁匪茹

箋曰茹度也

整居焦穫

音護。箋曰整齊也。傳曰焦穫周地接于玁狁者

○郭璞曰今扶風侵鎬及方鎬豪之上濁。箋曰鎬也池陽縣瓠中是也。方也皆北方地名。○疏曰

劉向疏云來歸自鎬我行永久千里之鎬猶以至于涇為遠鎬去京師千里顏師古云非豐鎬之鎬

陽疏曰水北曰陽。○織文鳥章。○傳曰鳥章錯革鳥為章也。○釋文

曰錯革鳥曰旗。○疏曰史記漢書之幟與織字雖異音實同錯置也革急也畫急疾之鳥也。○今曰檀弓夫子

之病革矣。白旆央央。○傳曰白旆繼旐者革音棘。白旆央央如字又音英。○曹氏曰白帛也

白旆以絳帛為旆也以帛續旐末為燕尾戰則旆之。○疏曰白旆謂絳帛九旗之物皆用絳此旗而言旐者散

則通元戎十乘以殷曰元大也夏后氏曰鉤車先名也。○疏曰司馬法文也周禮革路無鉤此特設鉤故以

名車也此車備設鉤鑿其行曲直有正故曰先正也寅

進也此車能進取遠道故云

以先啓行

音航。王氏曰：軍前曰啓，後曰

先疾也。元戎言大車之善者。

殿元戎十乘以先軍行之前者，所謂選鋒也。兵法兵無選鋒曰北。○詩記曰：韓嬰章句云：大戎者，半縵輪馬被

甲，銜軛之上，盡其劒戟名曰陷陣之車。所以冒突先啓敵家之行伍也。縵音謾。

此數狄之罪言玃狁不自揆度乃敢深入吾地整齊而居我焦穫之地間暇自如無所畏憚也又侵我北方之鎬與方隧侵至於涇水之北涇北去周近矣賊烽之熾如此我於是建旌旗選鋒銳而攘之旗幟之文有隼之章指旗也又以絳帛為旆央央然鮮明又



有大車謂之元戎以十乘在前先啓敵之行陣也

戎車既安如輕如軒

輕音至。朱氏曰輕車之覆而前也。軒車之却而後也。○詩記曰馬

援疏云居前不能令人輕居後不能令人軒注言為人無所輕重也

四牡既佶

其乙反。○箋曰佶壯

健之貌

既佶且閑

疏曰閑習也

薄伐玁狁至于大原

大音泰。○傳曰言逐

出之而已。朱氏曰大原地名亦曰大鹵今在大原陽曲

文武吉甫萬邦為憲

兵車既安正矣從後視之如輕覆而前從前視之如

軒却而後言車之良也四牡既佶然牡健且復閑習

言馬之良也以此伐玁狁至于大原之地驅之出境

不窮追也尹吉甫時為大將於是美之曰有文有武之吉甫乃萬邦以之為法辦一獫狁餘事耳

吉甫燕喜既多受祉

音耻。傳曰祉福也。今日即王之賞賜也。

來歸自鎬

錢氏曰鎬獫狁所侵之地非鎬京之鎬也。曹氏曰吉甫既至大原復往鎬慰撫其民然後歸。

我行永

久飲御諸友

飲音蔭。傳曰御進也。

魚鼈膾鯉

魚音庖字亦作炮。膾音鄒韻亦作鱠。

○今日釋文云合毛炙物曰魚楚詞招魂膾鼈炮羔膾煮也鼈可羹不可魚今云魚鼈謂火熟之耳或古不同枚乘七發云鮮鯉之膾膾音而。說文曰膾細切肉也。

侯誰在矣

傳曰侯維也。

張仲孝

友

李巡曰張姓仲字。傳曰善父母為孝善兄弟為友。

吉甫既伐玁狁而歸王與之燕而喜樂又多受賞賜  
王所以燕之者以其來歸自北方之鎬其地遙遠我  
吉甫之行日月長久故飲之酒而進其同志諸友與  
俱飲以盡其歡其珍美之饌則以火熟其鼈又以鯉  
細切而膾之其吉甫諸友之中維誰在矣有張姓仲  
字其性孝友者在焉○孝友者德之本卷阿言吉士  
曰有孝有德宣王之時朝多賢臣張仲獨以孝友稱  
則必盛德之士也北伐之功繫夷夏盛衰詩人美其

功而結以張仲孝友之辭蓋有深意存焉豈非養君德者有其人乃攘夷復境之本歟美宣王北伐而以吉甫燕喜終之始終之辭也前日盛暑出師棲棲不遑所以有今日之燕喜也凱還飲至見宣王之成功

也

范氏曰宣王使吉甫征伐而與張仲居朝所以輔其德也苟無孝友忠信之臣養君之心則雖征伐

有功於外而不善之政將出於內朝廷心腹也戎夷四支也故孝友之臣日納王於善而敦厚之然後戎狄可攘而外患可除矣○王氏曰吉甫為將於外而內無忠順之臣與之同志者輔王耳目而迪其心則妨功害能之人至矣妨功害能之人至則若吉甫者其身之不閱何暇議勝敵哉

# 六月六章章六句

采芑

起音

宣王南征也

疏曰上言伐此云征便辭耳無義例也。陳氏曰南征北伐二詩皆

繫班師時作六月之辭迫采芑之辭緩六月似討而定采芑似畏而服也

薄言采芑

程子曰薄言發語辭。芑音傳曰采取也。今曰芑嘉穀也解見生民。李氏曰毛以薄

言采芑為菜豐水有芑為草維靡維芑為穀王氏皆以為穀。補傳曰新田菑畝中鄉不應指菜蓋以田畝善養嘉穀喻周家善養士卒也大雅云豐于彼新田釋地

水有芑詩人於又武士皆以芑為喻也。二歲曰新田。孫炎曰新成柔田也。于此菑畝。菑音緇。釋地曰田一歲

草木也。疏曰臣工及易注皆同唯坊記注云二歲田曰畬三歲曰新田當是傳寫誤也。方叔涖止

泣音利。傳

其車三千師干之試

長樂劉氏曰師衆也干盾也。程子曰師

也。干猶今云兵甲也。試肄習

方叔率止乘其四騏

解見

四

騏翼翼

錢氏曰翼翼整肅貌

路車有奭

興之入字亦作赭。蘇氏曰路車金路也以有奭言

赤又巾車鉤樊纓。今有鉤有膺知其為金路。○箋

輦第

魚服

第音弗。輦第解見齊載驅魚服解見采薇

鉤膺絛革

絛音條。疏曰春官巾車注云

鉤妻領之鉤也。金路無錫有鉤亦以金為之。是鉤用金在領之飾也。膺樊纓也在膺之飾。惟有樊纓樊讀如鞶

帶之鞶。謂今馬大帶纓。今馬鞅金路其樊及纓以五采

方叔為同姓也。方叔元老五官之長。是上公也。上公雖

非同姓或有得乘金路矣。罰音計。○崧高疏曰膺是馬

之胷前鉤是器物以鉤類之謂  
膺上有飾。○條革解見蓼蕭

興也厲王之亂天下蕩蕩如荒榛之地宣王經理弊  
壞之天下如耕墾荒榛之地以為田故言取芑穀者  
於何處乎於彼二歲之新田於此一歲之菑畝皆新  
墾之地也喻宣王取民為兵隨其所取皆新撫之民  
也既用民為兵乃命方叔為將而臨之其車有三千  
乘侈言兵車之盛也天子六軍不過千乘不必實有  
三千乘也師衆千盾皆閱試之知其可用於是方叔

乃率其士卒而行以南征蠻荆自乘四騏之馬其馬  
翼翼然甚整肅所駕路車之飾奐然而赤蓋金路也  
不乘革路者以革路臨戰所乘此時受命以未至戰  
時也其金路之車以竹簟為蔽第其車所載有魚獸  
之皮以為矢服其馬有婁頷之金鉤其馬胷膺有樊  
與纓之飾謂之膺又以縵皮為轡首而垂之○兵車  
一乘甲士三人步卒七十二人又二十五人將重車  
在後三千乘則甲士九千步卒二十一萬六千將重



車七萬五千人通三十萬人矣天子六軍出於六鄉  
萬二千五百人為軍六軍止七萬五千人無三千乘  
之數孔氏謂羨卒盡起王氏謂合諸侯之師要之詩  
人之辭不可泥名數以求之其車三千極言其兵車  
之盛耳況兵有先聲後實項羽兵四萬號百萬豈一  
一如其數哉朱氏謂孔氏王氏以文害辭其說是也  
薄言采芑于彼新田于此中鄉

蘇氏曰中鄉民居在焉故其田尤治方叔

泣止其車三千旂旐央央

解見出車

方叔率止約軹錯衡

音軹

祁○傳曰軹長轂之軹也朱而約之○疏曰說文云軹

長轂也轂則謂之軹兵車乘車其轂長於田車是謂長

轂也言朱而約之謂以朱色纏束車轂以為飾蓋以皮

纏之而上加以朱漆也考工記輪人云容轂必直陳篆

必正注云容者治轂為之形容也篆八鸞瑯瑯音踰韻

轂約也錯雜也雜物在衡是有文飾服其命服朱芾斯

○朱氏曰鈴在鑣曰鸞馬口兩旁各一四馬故八也○傳曰瑯瑯聲也

皇芾音弗○傳曰黃朱芾也皇猶煌煌也○斯干箋曰

天子純朱諸侯黃朱○斯干疏曰芾從裳色祭時服

纁裳故芾用朱赤朱深於赤對文則朱赤深淺有瑯葱

玼音衡○傳曰瑯玼聲也葱蒼也三命皆葱玼○

疏曰三命至九命皆葱玼非謂方叔唯三命也

軍行建其旂旐央央然鮮明方叔率士卒而行乃乘

金車以皮纏約其軼轂有錯雜文采之衡也車行則  
八鸞瑤瑤然有聲也其身則服其受王命之服有黃  
朱之芾皇然鮮明也又有蒼玉之珩其聲瑤瑤也方  
叔嘗伐玃狁威名素著又貴謀賤戰以王師臨小醜

故雍容閒暇如此也

曹氏曰芾與佩皆非軍中之服路以金路則非戎路馬有和鸞

則非戎馬所以然者蓋方叔克壯其猶如吳起將戰不帶劍諸葛武侯臨陣不親戎服羊祜輕裘緩帶而盛著威名杜預身不跨馬而自能制勝故詩人詠其車服之美而已

駛彼飛隼

隼音聿隼音筍。晨風傳曰隼疾飛貌。曰隼鷗也。鷗屬也。箋曰急疾之鳥也。釋鳥

曰鷹隼醜其飛也。翬。○舍人曰：謂隼、鷂之屬。翬，翬其飛疾羽聲也。○山陰陸氏曰：鷂屬也。今鷹之搏噬不能無失獨隼為有準。或曰：其飛戾天。傳曰：戾，至也。亦集爰止方叔即今所呼為鷂者。

泣止其車三千師干之試方叔率止鉦人伐鼓。○鉦音征。○疏曰：

周禮有鐻、鐻、鐻、鐻無鉦也。說文云：鉦，鐻也。似鈴柄中上下通。然則鉦即鐻也。說文又云：鐻，鉦也。鐻也。則鐻、鐻相類。俱得以鉦名之。故鼓人注云：鐻，鉦也。形如小鐘，是鐻亦名鉦也。鐻似小鐘，鐻似鈴，是有大小之異耳。凡軍進退皆鼓動，鉦止非臨陣獨然。此文在陳師鞠旅之上，是未戰時事也。鐻音濁，鐻音誥。○董氏曰：周官云：鳴鐻且却。聞鉦而止，則鉦、鐻二物也。但司馬有鐻、鐻、鐻而不言鉦，故前世疑之。崔靈恩集註謂：鉦人伐鼓則勇於戰也。今詩謂陳師鞠旅則未戰矣。安待鉦人為擊鼓使進哉？就如此則亦亂於軍制矣。○箋曰：鉦也。鼓也。各有人焉。互

言之陳師鞠旅鞠音菊。傳曰鞠告也。箋曰二千五百人為師。五百人為旅。師旅互言之。

顯允方叔伐鼓淵淵王氏曰淵淵深也。師衆則鼓遠鼓遠則聲深。振旅闐闐

音田。疏曰古者春教振旅秋教治兵以戎是大事又三年一教隱五年左傳云三年而治兵入而振旅是征伐之時出軍至對陳用治兵禮戰止至還歸用振旅法名異而禮同也。釋文云出而治兵尚威武也入而振旅反尊卑也。孫炎云出則幼賤在前貴勇力也入則尊老在前復常法也。長幼出入先後不同而云禮一者坐作進退如一也。○今日闐闐衆盛也猶今人言駢闐也。

歟然而疾飛者彼隼鷃也其飛能高至天亦集於所止之地喻武勇之士能深入敵陣者皆集於此矣於

是鉦人則鳴鉦以靜之鼓人則擊鼓以動之言士聽  
節制也鉦人伐鼓互言之也又陳布其師鞠告其旅  
誓衆而告之以賞罰使用命也此顯明允信之方叔  
既以誓衆於是進師其伐鼓之聲淵淵然深也方誓  
師伐鼓以往即言振旅蓋蠻夷望風畏服不待戰也  
全師而歸故闐闐然衆盛也○陸璣說隼云齊人謂  
之擊征又謂之題肩或謂之雀鷹春化為布穀者璣  
說鳴鳩亦云如此則隼即鳴鳩矣然說鳴鳩不言是

隼說隼不言是鴈鳩蓋誤矣隼非鴈鳩也

蠡爾蠻荆

傳曰蠡動也蠻荆荆州之蠻也程子曰蠡者動而無知之貌

大邦為讎朱氏

曰大邦猶言中國也

方叔元老

傳曰元大也

克壯其猶

箋曰猶謀也

方叔率

止執訊獲醜

訊音信。解見出車

戎車嘽嘽

音灘。朱氏曰嘽嘽衆盛也。嘽嘽有考

見崧高

嘽嘽焞焞

音推輓之推又他屯反。傳曰焞焞盛也

如霆如雷

釋天曰疾雷為

霆。郭璞曰雷之急疾者謂之霹靂

顯允方叔征伐獫狁蠻荆來威

蠡動無知者荆州之蠻乃與中國為怨讎方叔為國

大老能壯其謀不以力勝乃率其士衆執訊獲醜獻

功而歸訊謂魁首之可問者醜謂徒黨之降服者其  
兵車嘽嘽然衆煇煇然盛其威如迅擊之霆如發聲  
之雷言却敵師還而不困憊也顯明允信之方叔嘗  
與吉甫同伐玁狁威名已著是以蠻荆聞其名而皆  
來畏服也出車不戰亦言執訊獲醜此詩亦不戰而  
言之也○或以克壯其猶為勇決之意今考方叔南  
征服其命服有瑒葱珩其從容閒暇如此卒使蠻荆  
聞風畏服不戰而屈之非取其老而勇決若矍鑠翁



之為也易大壯注壯者威盛彊猛之名詩人之意正  
謂少年輕俊之人往往以勇力求勝未能深謀遠慮  
唯方叔老成故能尚謀不尚戰以謀為壯不以力為  
壯也六月之詩事勢急迫采芑之詩辭氣雍容蓋北  
伐則四夷交侵初用兵也南征則北方已服中國麤  
定方叔乘北伐之威以臨蠻荆也下篇車攻則中興  
之功成矣

采芑四章章十二句

車攻宣王復古也宣王能內脩政事外攘夷狄復文武

之竟土

竟音境

脩車馬備器械復

扶又反

會諸侯於東都

箋曰

東都王城也

因田獵而選車徒馬

選上聲。朱氏曰此詩所賦自脩車馬備器械以下

其脩政事攘夷狄則前乎此矣東都洛邑也周公營之而成王會諸侯焉

我車旣攻

傳曰攻堅也

我馬旣同

傳曰同齊也宗廟齊毫尚純也戎事齊力尚彊也田

獵齊足尚疾也

四牡龐龐

音聲。傳曰龐龐充實也

駕言徂東

傳曰東洛邑也

宣王中興為東都之會詩人喜於復見威儀之盛故

鋪張揚厲以見喜談樂道之意上三章皆言脩車馬

備器械之事我宣王之車既堅緻矣馬既齊力矣四  
牡皆龐龐而充實將駕之以往東都也言初發車徒  
而往東都未言所為之事也

田車既好

疏曰田車田獵之車

四牡孔阜

程子曰阜肥壯也

東有甫草

傳曰

甫大也。疏曰廣大之草可以田獵

駕言行狩

此章乃言所為之事謂田車既好四牡肥壯所以往  
東者以東有廣大之草今駕車以往將以田獵也猶  
未言所獵之地也○此行以會同為主因講田獵耳

詩先言行狩者序事當自內始故先言田獵車馬器械之備而後往行狩其實先會同而後田獵也鄭破甫作圃音補云鄭有圃田今不從下章言獵于敖地

不應又言圃田也

傳曰田者大艾草以為防或舍其中褐纏旃以為門裘纏質以為櫛

間容握驅而入擊則不得入左者之左右者之右然後焚而射焉天子發然後諸侯發諸侯發然後大夫士發天子發抗大綏諸侯發抗小綏獻禽於其下故戰不出頃田不出防不逐奔走古之道也艾音刈櫛音蘭綏而佳反○疏曰大艾殺野草以為防限作田獵之場殺圍之處未田之前誓士戒衆在其間止舍也其防設周衛而立門以綏毛褐布纏通帛旃之竿以為門之兩傍其門蓋南開並為二門用四旃四褐也又

以裘經樞質以為門中之闌闌車軌之裏兩邊約車輪者也門之廣狹兩軸頭去旃竿之間各容一握握人四指為四寸是門廣於軸八寸也馳走而入門不得徐也其軸頭擊著門傍旃竿則不得入以罰不工也以天子六軍分為左右雖同舍防內令三軍各在一方其屬左者之左門屬右者之右門不得越離部伍教戰既畢士卒出門乃驅禽納之於防然後焚此防草而射之焚所芟之草也發發矢射之也舉綏為

之子于苗

傳曰之子有司也夏獵曰苗。疏曰時宣王為夏苗。

選徒囂囂

音遯。傳曰選。

衆因獻其禽於其下也戰場有頃數戰者不出其頃界田不出所芟之防奔走謂出於頃防樞音斟

數也囂

建旄設旄

旄解見出車旄解見鄘干旄

搏獸于教

搏音博。箋曰教鄭

地今近滎陽。詩記曰教山名晉師救鄭在教鄘之間士季設七覆於教前則教山之下平曠可以屯兵翳蒼

可以設伏所謂東有甫  
草即此地也鄙音敲

此章乃言所獵之地言有司將往夏獵故先選數車

徒無或謹譁唯數者囂囂有聲見其靜治也於是建

旄於車而設旄於旄之首以此車乘之而往將搏取

禽獸於鄭地之敖即甫草之處也

詩記曰宣王之往東都以會諸侯為

主因田獵以選車徒而二章三章先言田獵者蓋有司先為戒具以待會同畢而田獵也

駕彼四牡四牡奕奕

今曰奕奕大也

赤芾金舄

芾音弗舄音昔傳曰諸侯赤

芾金舄舄達屨也。赤芾詳解見候人朱芾解見采芑箋曰金舄黃朱色也。疏曰天官屨人注云舄有三

等赤舄為上冕服之舄下有白舄黑舄此云金舄者即禮之赤舄也故箋云金舄黃朱色如金為飾赤舄則尊莫是過故云達屨言是屨之最上達者也屨人兼掌屨舄是屨為通名也會同有繹傳曰時殷見曰同○疏曰時見者無常期王將有征伐之事則合諸侯而命事焉殷衆也十二歲王如不巡狩則六服盡朝○長樂劉氏曰絡繹不絕也

上三章皆言脩車馬備器械此章言會諸侯首章以我斥宣王此章以彼指諸侯諸侯駕彼四牡而來其馮奕奕然大朝見於王服赤色之芾及金飾之舄其來會同者非一絡繹不絕可謂盛矣喜見中興之威

儀也。○此奕奕字毛鄭不解孔氏以為閒習朱氏以

為連絡布散之意然奕本訓大毛於奕奕寢廟奕奕

梁山皆訓大則此亦當為大

曹氏曰夫自夷厲以後諸侯不朝天子久矣今

宣王能先自治而脩政事禦外侮而攘夷狄諸侯怛威畏德復來朝會而其儀物之盛等威之嚴如此故

詩人美之猶後世所謂不意今日復見漢官威儀云耳

決拾既飲

音次。傳曰決鉤弦也拾遂也飲利也。○疏曰決著於右手大指所以鉤弦開體遂著於

左臂所以遂弦夏官繕人注挾天子用象骨拾韝扞也著於左臂裏以韋為之決繕人作挾。○長樂劉氏曰決謂護大指以鉤弦拾謂護左臂以利弦者也。○今曰決即衛芄蘭所謂佩韞也韞音攝

弓矢既調



箋曰調謂弓彊弱與矢射夫既同助我舉柴音恣。傳曰柴積也輕重相得。疏曰適也。

上三章言脩車馬備器械將以行獵實未田獵四章

言既會諸侯此章乃言田獵也田獵之時有鈎弦之決著於右手之大指有遂弦之拾著於左臂決之與拾與手指相利矣弓之彊弱又與矢之輕重相得而調適矣射夫諸侯以下既同力故獲多宣王將舉積禽以為乾豆賓客之用而得諸侯射獲以助之也

四黃既駕兩驂不猗

音倚又音縊。氏曰猗不正也。

王不失其馳舍矢

如破舍音捨○箋曰矢發則中如椎破物也

四黃之馬既駕而乘之兩驂之馬又不偏倚言御之

良也御者能正其馬不失其馳驅之法而射夫矢發

則中如破物然言射之良也

蘇氏曰不善射者御者詭遇則獲不然不能也

蕭蕭馬鳴

錢氏曰蕭蕭靜貌

悠悠旆旌

錢氏曰悠悠緩行貌

徒御不驚

朱氏

曰徒步卒也御車御也驚如漢書夜軍中驚之驚

大庖不盈

疏曰大庖君之庖○傳曰禽雖多擇

取三十馬其餘以與大夫士以習射於澤宮○朱氏曰不盈言擇取而用之不極欲也

田事既畢軍旅旋歸觀者唯聞馬鳴之聲蕭蕭然而

靜無他聲也見旌旆之行悠悠然而緩無亂次也徒

行者御車者皆不驚擾大庖不盈擇取三十而已

張子

曰饌雖多而無餘者均及於衆而有法耳。李氏曰歐陽公之詩有曰萬馬不嘶聽號令諸蕃無事樂耕耘蘇東坡詩曰令嚴鉦鼓三更月野宿貔貅萬竈烟皆是效此兩句而作也。曹氏曰凡事始乎治常卒乎亂今獵罷而歸終始靜治。傳曰一曰乾豆二曰賓客三曰充君之庖故自左膘而射之達于右膈為上殺射右耳本次之射左膈達于右膈為下殺面傷不獻踐毛不獻與大夫士習射於澤宮田雖得禽射不中不得取禽古者以辭讓取不以勇力取膘音縹脅後髀前肉也膈音愚謂肩前也髀俾陞二音謂股外髀音杳水腩也踐音剪腩音歟腰左右虛肉處。疏曰乾豆為第一上殺者乾之以為豆實供宗廟也。

第二殺者別之以待賓客也第三下殺者取之以充實君之庖厨也箋曰射右耳射當為達亦自左射之達右耳本而死者為次殺以其遠心死稍遲已微惡射左股髀而達過于右脅肱為下殺以其中脅死最遲肉又益惡凡射獸皆逐後從左箱而射之面傷謂當面射之踐毛謂在傍而逆射之二者皆嫌誅降之義不成禽不獻孔氏云惡其害幼小此不能使獵者無之自君所不取以示教法耳大獸公之非復已物君賜使射故非中不取言嚮者田獵所取用勇力今射者禮樂所取用辭讓也○釋文曰何休注公羊自左髀射之達於右膈中心死疾鮮潔也

之子于征

補傳曰謂有司此之征行

有聞無聲

聞音問

允矣君子

疏曰君子

宣王展也大成

箋曰展誠也

會同之事師徒衆盛由鎬至洛道路悠長非紀律嚴  
整其擾多矣觀者以田事之終而徒御整肅如此乃  
深美之曰有司之是役也聞師之行而不聞其聲信  
矣宣王誠哉其大成也言功業極盛無遺憾也箋曰晉人伐鄭陳成子救之舍於柳舒之上去穀七里穀人不知可謂有聞無聲事在哀二十七年左傳作留舒

### 車攻八章章四句

吉日美宣王田也能慎微接下無不自盡以奉其上焉

疏曰留意於馬祖之所禱是能謹於微細求禽獸唯以給賓是恩降於下

詩美田獵耳後序舉三隅言之

吉日維戊

箋曰戊剛日也。朱氏曰以下章推之是日也。其戊辰歟。

既伯既禱

傳曰伯馬

祖也。

疏曰夏官校人春祭馬祖夏祭先牧秋祭馬社冬祭馬步注云馬祖天駟先牧始養馬者馬社始乘馬

者馬步神為災害馬者馬祖祭之在春其常也而將用馬力則有用彼禮以禱之馬祖謂之伯伯者長也鄭云

馬祖天駟釋天云天駟房也孫炎云龍為天馬故房四星謂之天駟

田車既好四牡孔阜

升彼大阜從其羣醜

箋曰醜衆也

外事用剛日故吉善之日維戊也既伯謂有事於馬

祖將用馬力而祭之也既禱謂因祭而禱之願馬之

彊健而獲多也以戊日祭而禱之其禱之之辭曰田

獵之車既善矣四牡甚阜而肥壯矣車牢馬壯以歷

險從禽將升彼大阜從禽獸之羣衆而田獵也此告

神以將田獵其實戊日未田也○舊說謂禱於馬祖

二既字不分曉伯是馬祖之神言既伯是既有事于

馬祖謂祭之也猶社是土神方是四方之神言以社

以方則是祭社及方也既禱乃謂因祭而禱析之也

吉日庚午

朱氏曰庚午亦剛日也

既差我馬

差音義○傳曰差擇也

獸之所

同箋曰同麀麀音憂麀音語○傳曰漆沮之從

猶聚也

麀麀音憂麀音語○傳曰

漆沮之從

漆沮之從

沮音趨○李氏曰漆沮二水名也禹貢所謂東會漆沮

即此漆沮是也故孔氏以漆沮在涇水之東一名洛水

與古公自土漆沮別也此漆沮正周禮職方氏所謂雍

州其浸渭洛雍州之地非河南之洛也○曹氏曰漆沮

二水名本太王避狄所徙岐周之地按漢志右扶風有

漆縣漆水在縣西東入渭沮一名洛水亦在岐周若漢

中郡之沮水則出房陵縣之東山東至

郢而入江非此沮也○漆沮又考見緜天子之所

以吉日庚午既差擇我田獵之馬至於田所獸之所

同聚乃有牝鹿麀麀然衆多遂從漆沮二水之傍驅

獸而至天子之所也言牝鹿則見蕃息之意



瞻彼中原

釋地曰廣平曰原中原蓋原中也

其祁孔有

傳曰祁大也

儻儻俟

俟

儻音標○傳曰趨則儻儻行則俟俟○錢氏曰緩行若相待也

或羣或友

傳曰三曰羣二曰友

俟

悉率左右以燕天子

蘇氏曰燕樂也

視彼原中其禽獸形體祁大又甚多有矣其趨者則

儻儻而疾走其行者則俟俟若相待或三為羣或二

為友從王者見禽獸之多於是率其同事左右之人

各共其事以樂天子也

既張我弓既挾我矢

挾音浹又音協○儀禮注曰發彼方持弦矢曰挾○解見行葦

發彼

小豮

見音巴解駟虞

殪此大兕

殪音翳兕詞之上濁○釋詁曰

朱氏曰兕野牛也○

解見卷耳○傳曰言能中微而制大也○疏曰小者矢中必死小豮苦於不能射中大者射則易中唯不能即

死小豮云發言發則中之大兕言殪者以御賓客  
射著即死異其文者言中微而制大  
朱氏曰御

進也○今日與燕者皆為  
賓客不必專以為諸侯也  
且以酌醴  
傳曰饗醴天子之

不可專飲天子之於羣臣不徒設醴而已此言酌醴者  
左傳天子饗諸侯每云饗醴命之宥是饗有醴者天子

飲酒之禮故舉醴言之也○曹氏曰莊十八年左傳虢  
公晉侯朝王王饗醴命之宥杜預云先置醴酒示不忘

也古

左右既驅禽獸於是張弓挾矢而射之牝豕小則難

中乃發而中之野牛大則難死乃一發而殪之言善射也既得禽獸則以為俎實進於賓客不特可以小燕飲又且以酌醴而饗舉行盛禮也○發謂發矢射之傳云百發百中則發有中否今日發彼小貍言發則得貍矢無虛發不待言中也○醴甘酒少麴多米二宿而熟周官酒正五齊之二曰醴齊五齊味薄所以祭也三酒味厚人所飲也坊記云醴酒在室醢酒在堂則五齊亦曰酒醴味甜於餘齊與酒味殊穆

生不嗜酒故元王每置酒常為穆生設醴見醴與酒  
味異也饗為盛禮惟王饗諸侯則設醴示不忘古禮  
之重也醴音禮。詩記曰車攻吉日皆以蒐狩為言何也蓋蒐狩之禮所以見王賦之復焉所以見軍實之盛焉所以見師律之嚴焉所以見上下之情焉所以見綜理之周焉欲明文武之功業者觀諸此足矣

吉日四章章六句

詩緝卷十八